



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

206.2
U-78

980
981

206.2
U-78
1962

~~1063~~

~~509.~~

ju

208.21
7-67

ԴԻՏՈՂՈՒԹԻՒՆ

ՃՇՄԱՐՏՈՒԹԵԱՆ ՍՊԱԻԵՏԱՐԱՆԻՆ

ՅԻՍՈՒՍԻ ՔՐԻՍՏՈՍԻ



1863

Տ Փ Խ Ս

Ի ՏՊԱՐԱՆԻ ԳՂԲ ԻԼԻ ԾԵԼՔՈՒՄԵՆՆԵՐ ԵՒ ՀԱՄԲԱՐՅՈՒՄԱՅ ԷՆՁԻԱՋԵԱՆՑ

5100-28

“Յայնժամ սեւ յշամաչէի 'ի զգուշանալ 'ի պատուիրանս քո, Մաղմ. ձԺԸ:

“Սյուսուհետև որ համարիցի հաստատուն կալ, ըզգոյշ լիցի, գուցէ անկանիցի, Ս. Կորն. Գ. 12:

108584-42

Напечатано съ разрѣшенія Верховнаго Патріарха и Католикоса всѣхъ Армянъ Маттеоса.

Февраля 5 дня 1863 г. Тифлисѣ.

17100-58

Յ Ա Ռ Ա Ջ Ա Բ Ա Ն

Փորձով ստուգեալ է այս առած բարոյական.
“Եթէ 'ի փոքունց ոչ զգուշացիս, 'ի մեծամեծաց վը-
տանդեսցիս,, : Առ այս տայ օրինակ սուրբն Յովհանն
Ռսկեբերան յասելն. “Մեղուք անկարանան շինել
մեղր 'ի փեթակի անդ, ուր սարդք ոստայն արկա-
նեն,, : Ի սոյն միտս 'ի զգուշութիւն խրատ աւանդէ
Շնորհալի Սուրբ վարդապետն մեր Սարգիս .
“Զէ ինչ օգուտ յամենայն կողմանց ցանգով ամ-
րացուցանել զայդի, և 'ի միում անկեանն խրամա-
տել, զի այն փոքրն բուսական է մուտ գործել գա-
զանացն առ 'ի զպտուղ այգւոյն ապականել,, . 'ի
Մեկն. Յակ. Ջառ Ե: Եթէ այսպէս ըստ մարմնա-
ւորին, ապա ուրեմն յրչափ մեծի զգուշութեան պէտք
են, զի մի երբէք մուտ գտցէ 'ի խորհուրդս մտաց մե-
րոց բան ինչ հակառակ աւետարանական ճշմար-
տութեան, Քրիստոնէական ուղղափառ վարդապե-
տութեան և առաքելական աւանդութեանց: Աչ է
արժան պարծիլ յուսմունս մեր բնական և բարո-
յական գիտութեանց, այլ պարտ է զգուշանալ յամե-
նայնի, գիտելով զի բանք ինչ մտախաբք արտադրեալք
հակառակ սուրբ գրոց, մեծ այլայլութիւն տան մը-
տաց: Վասն որոյ գրէ երանելի առաքեալն Պողոս .
“Աչ բարւոր են պարծանքդ ձեր. ոչ գիտէք, եթէ փոքր

մի խմոր զամենայն զանգուածն խմորէ,): Ա. Կորն.
Ե. 6: Գաղ. Ե. 9:

Չոյս նկատելով մեր փոյթ յանձին կալաք զայն
յայտնել գրով առ ողջամիտ Ազգն իմ սիրելի, որ դի-
պեցան մեզ: Քանզի այն ինչ Աստուածային կամօքն
ժամանեալ 'ի միա: նաէջ մայր սուրբ Աթուռս առ 'ի
սպասաւորել առաքելական և Լուսաւորչական մե-
ծաշուք գահէս՝ մերով անարժան և տկար անձամբ,
փոթացաք վերահասու լինիլ ձեռագիր և տպեալ
մատենից՝ որք 'ի գրատան մայր Աթուրցս. անդ տե-
սաք միք զՄատենան պատկերազարդ և փառակազմ,
որ ունէր 'ի ճակատ իւր գրեալ զարք Տեան մերոյ Յի-
սուսի Քրիստոսի, և Պատմութիւն վարուց Տեան մերոյ Յիսուսի Քրի-
ստոսի. Տպեալ 'ի Փարիզ 'ի Մարտեան Վարժարանի. 1854:

Չկնի ընթեռնոյ մեր զայնպէսի նորամուտ և
զանպատշտձ վերտառութիւն պաշտելի Արքոյ աւե-
տարանին Յիսուսի Քրիստոսի փրկչին մերոյ, սկսաք
մտախոհ լինի զժամօթութեանցն, զորս մեծ առ վրա-
տահութեամբ տողեալ էր Հեղինակն 'ի ներքոյ յայտ-
նի լուսաւոր բանից աւետարանին Յիսուսի, և գը-
տաք 'ի նոսա ոչ սակաւ բանս շիտթիչս մտաց և այ-
լայլիչս աւետարանական բացայայտ խորհրդոց, զորս
սեպուհ պարտաւորութիւն համարեցաք մեզ յայտ-
նել և ծանուցանել մեծահաւատ և ողջամիտ սիրելի
Ազգիս, 'ի զգուշութիւն նոցա ըստ հոգւոյ և ըստ
մարմնոյ, որոյ բարեմասնութեանց ցանկալով, մնամ
աղօթարար 'ի բոլոր սրտէ

Բ Ա Ն Ա Ռ Ա Ջ Ի Ն .

Չնորալուրն զայն վերտառութիւն վարք Յեան Մերոյ Յիսուսի Քրիստոսի տալ սրբոյ Աւետարանին ո՛չ որ համարձակեցաւ 'ի սրբազանն առաքելոց, յառաքելապատիւ հարց սրբոց և 'ի հոգելից վարդապետաց սուրբ եկեղեցւոյն Քրիստոսի՝ ըստ հաւաստի պատմութեանց եկեղեցական և ազգային մատենից :

Բայց 'ի ժամանակս հալածանացն Աստուածպաշտութեան 'ի գաղղիա՝ միայն Ռուսսոյ մոլորամիտ բանաստեղծ ոմն Ժպրհեցաւ զսուրբ աւետարանն անուանել վարք Յիսուսի : Զայս այր Վաղղիացի ծանօթացուցանէ մեզ աշխարհաբար համառօտ պատմութիւն հին ազգաց, 'ի հինդերորդ հատորի 'ի թղթահամարն 7. 8. 11: «Յովհաննէս Յակոբոս Ռուսսոյ վօլթերին հաւասար պէտք է դնել Յ — Յ. (Ժաժանք Ռուսսոյ 1778). որ պերճաբան և վառվռուն ոճովը, և կարգէ դուրս մտածմունքներովը իր դարուն ամէնէն ճարտասան ու նշանաւոր մարդն եղև, բոլոր իրա գրուածոցը մէջ ինքը զինքը հակառակ կցուցնէ քաղաքականութեան, ու իր ժամանակի մարդկային ընկերութեան : Այս Ռուսսոն արդարև միայն աւետարան բառին փոխանակ գրաւ վարք Յիսուսի՝ Արդ՝ վերտառութիւնս վարք՝ պատմութեանց վարուց մարդկան յարմարի . քանզի ըստ սուրբ գրոց՝ « Ո՛չ ապաքէն իբրև զփորձութիւն են վարք մարդոյ 'ի վերայ երկրի » . Յովը . է . 1 . և թէ՛ « Զվարս ձեր 'ի մէջ հեթանոսաց

պարկեշտս ցուցանել յ. Ա. Պետ. Բ. 12: Սոյնպէս վկայարա-
նութիւնք սրբոյ անուանին վարք սրբոյ :

Ապա ուրեմն՝ որ ոք յանդգնի զայլ նորաստեղծ անուն
տալ սրբազան Աւետարանին Յիսուսի Քրիստոսի, նա ո՛չ
միայն մարդարէական հողեշունչ բանից հակառակի, այլ և
Յիսուսի Քրիստոսի փրկագործ և սքանչելահրաշ անօրէնու-
թեան շնորհն ջանայ այլայլել, և կամ ընդունայնացուցանել
փրկագործ անօրէնութեան շնորհն ասեմ, որ միշտ ՚ի սրբոյ
մարդարէից, յերջանիկ առաքելոյ, և ՚ի սրբազան Վար-
դապետաց Աւետարան միայն վերաձայնի, ազդամար սրբոյ
Հոգւոյն Աստուծոյ : Լուր, զինչ տայ մարդարէանալ Աստ-
ուծոյ սուրբ Հոգին Աստուած յազգս փրկագործ անօրէ-
նութեան փրկչին մերոյ, «Երբև զի զեղեցիկք են ի վերայ
լերանց ոտք Աւետարանչի համբաւոյն խաղաղութեան,
երբև Աւետարանչի բարութեանց, զի լսելի արարից զփրկու-
թիւն քո ասել ցՅիօն, թէ թաղաւորեսցէ քեզ Աստուած» :
Նւ թէ՛ «Հոգի Տեառն ի վերայ իմ, վասն որոյ և էօժ
խի զիս, աւետարանչա աղքատաց առաքելաց զիս, բժշկել
զբեկեալս սրաիւք, քարոզել զերեաց զթողութիւն, և կու-
րաց տեսանել, կոչել ամ Տեառն ընդունելի, և որ հատուց-
ման Աստուծոյ մերոյ, մխիթարել զամենայն ողաւորս» : Ասայ.
ԾԲ. 7: ԿԱ. 1. 2:

Սոյնպէս մարդարէն Նաւիթ մարդարէական հոգւով նը-
կատելով զքրիստոսական շնորհն փրկագործութեան ընդ ձեռն
Տեառն մերոյ Յիսուսի Քրիստոսի, նախագուշակ ազդեցու-
թիւն տայ շնորհընկալ հաւատացելոց այսպէս : «Յր նեցէք զՏէր
և օրհնեցէք զանուն նորա, աւետարանցէք որ ըստ օրէնքի փրկու-
թիւն նորա» : Սաղմ. 26. 3:

Զինչ է աւետարանն Յիսուսի Քրիստոսի, զի՞նչ այլ.
եթէ ոչ ճշմարիտ հրատարակիչ երկնապարզև աւետեաց ՚ի
վեր քան զամենայն հասողութիւն մարդկային մտաց ըստ բա-

նի սրբազան առաքելոյն Պողոսի առ հաւատացեալսն ճշմարտութեան սրբոյ աւետարանին: «Երբև լուար զհաւան ձեր որ 'ի Քրիստոս Յիսուս 'ի Տէր մեր, և զսէրն՝ զոր ընդ ամենայն սուրբս ունիք, վասն յուսոյն, որ պահի ձեզ յերկինս՝ զորմէ լուարուք բանիւն ճշմարտութեան աւետարանին ո՛ր եհաս առ մեզ, որպէս ընդ ամենայն աշխարհ աճէ և պրազարերէ, որպէս 'ի ձերում միջի. յորէ յորմէ լուարուք և ծանեայք զշնորհսն Աստուծոյ ճշմարտութեամբ յ. Կող. Ա. 4-7:

Սուրբ աւետարանն խոստանայ շնորհել ճշմարիտ հաւատացելոց զաւետիս Աստուածապարզ և ճրիատուր շնորհաց և փրկութեան հոգւոց և անմահ կենդանութեան 'ի Քրիստոս Յիսուս 'նճեցելոց. լստ այնմ՝ «Որ փրկեաց զմեզ և կոչեաց 'ի կոչումն, ոչ ըստ գործոց մերոց, այլ ըստ իւրումն յառաջադրութեանն և շնորհաց. որ առաւ մեզ 'ի Քրիստոս Յիսուս. յառաջ քան զժամանակն յախակնից: Բայց յայանեցաւ այժմիկ յերևիլ փրկչն մերոյ Յիսուսի Քրիստոսի. որ խափանեաց զմահ, և լուսաւոր արար զկեանս, և զանեղծութիւն 'ի ձեռն աւետարանին». Բ. Տիմ. Ա. 9. 10:

Սուրբ աւետարանն է ճշմարիտ վարդապետարան երկնաւոր վարդապետին մերոյ Յիսուսի Քրիստոսի և մարդասիրական փրկապարծութեան նորին սքանչելի թանգարան. է և Աստուածային հոգեկեցոյց օրհնութեան ամենացանկալի շունմարան, ըստ հեռեկալ վկայութեանց: «Եւ շրջէր Յիսուս ընդ ամենայն կողմն Գալիլեացւոց, ուսուցանէր 'ի ժողովուրդսնոցս, և քարոզէր զաւետարանն արքայութեան». Մատթ. Գ. 23: «Զայս զխեմ, 'ի գալն առ ձեզ լրութեամբ օրհնութեան աւետարանին Քրիստոսի եկիցա: Հաովմ. ԺԵ. 29:

Աստուածաբանք եկեղեցւոյ առաջին սահման տան աստուածաբանութեան և վճռեն այսպէս. «Աստուածաբանութիւնն է բնն զԱստուծոյ, և զԱստուածայնոց, յորս սուրբն

Կիւրեղ սոյն օրինակ վարդապետելով զսուրբ զաւետարանն, այսպէս ասէ. «Բոլոր աւետարանական ճշմարիտ բանք են զԱստուծոյ ձրիատուր շնորհաց, և զարքայութեան վառայ՝ զԱստուածային մարդասիրական փրկագործութեանց, զոր աւետարանեաց ինքնին իսկ կենարարն մեր Յիսուս Քրիստոս Աստուածորդին փրկիչն աշխարհի. սրպէս գրեալ է: «Եւ յետ մասնելոյն Յովհաննու՝ եկն Յիսուս ՚ի Գալիլեայ, քարոզէր զաւետարանն Աստուծոյ և ասէր թէ կատարեալ է ժամանակ. և հասեալ Արքայութիւն Աստուծոյ, ապաշխարեցէք և հաւատայէք յաւետարանն»: Մարկ. Ա. 14. 15 :

Սուրբ աւետարանն Յիսուսի Քրիստոսի է անդրանիկ և միակ պարծանք հաւատոյ ողջամիտ և ուղղափառ հաւատացելոցս, յորում բայայայտ և անաղօտ երևին Աստուածային ամենակարող զօրութիւնն և սքանչելի փրկագործութիւն Յիսուսի Քրիստոսի փրկչին մերոյ և Աստուծոյ, զորմէ և սրբազան առաքեալն Պօղոս պարծանօք քարոզէ: «Զի ոչ եթէ ամօթ ինչ համարիմ զաւետարանն, քանզի զօրութիւն Աստուծոյ է ՚ի փրկութիւն ամենայն հաւատացելոցս». Հռովմ. Ա. 16 :

Աւետարանն է յայտարարութիւն Աստուածային բարեաց խոստացեալ առատապարզ և շնորհաց փրկագործ անօրէնութեան Քրիստոսի, է և երկնապարզ և գանձուցն սքանչելի գանձարան. վասն որոյ սուրբն Յովհանն Ասկեբերան ՚ի վերայ բնարանիս այսորիկ, «Պօղոս ծառայ Յիսուսի Քրիստոսի, կոչեցեալ առաքեալ, որոշեալ յաւետարանն Աստուծոյ», Ա. 1. գրէ. «Ըստ որում ոչ զսաստ մարգարէիցն, ոչ զսպառնալիս հին օրինաց յանդիման առնէ մեզ հրաշալի սուրբ աւետարանն Յիսուսի Քրիստոսի, այլ զնչ, թողութիւն մեզաց քարոզէ, ազատութիւն ՚ի դիւական և ՚ի դժօխային տաղնապից, և ՚ի բռնութեանց, նա մանաւանդ աւետարանէ մեզ հաւատոցելոցս գանձառելի շնորհս Աստուածային զանազան պար-

զեաց, և ճառագայթէ 'ի հողիս մեր զանաղօս լոյս ճշմարտութեան Քրիստոսական սուրբ կրօնից մերոց:

Սուրբ Աւետարանն աւետէ մեզ զերանաւէտ յոյս յաւիտենական փառաց երկնից արքայութեան, փարատէ 'ի սրբաից և 'ի մասց մերոց զերկիւղն ճառայական և սուղաւորէ 'ի մեզ զհոգեզուարձ սէրն որդիական առ Հայրն Աստուած, և զնորին մարդասիրական բարերարութիւն առ մեզ:

Ահա զպէսպէս շնորհաց սուրբ աւետարանին սքանչելի իմն խորհրդածէ Հրեշտակակրօն վարդապետն մեր Սուրբն Գրիգոր Նարեկացի. «Այլ այս միայն է պահեցեալ ինձ նշոյլ յիշատակի փրկութեան յուսոյ, զի Քրիստոսեան աւետարանն կեանս է ամենեւին 'ի կերպարանաց պատկերի բանին ծանուցեալ, որով առ մեզանս դարձն, առ պարտիան շնորհն, առ եղծումն նարդութիւնն, առ անօրէնութիւնն, քաւութիւնն, առ վէրն՝ բժշկութիւնն, առ վտանդն՝ անդորրութիւն, առ պատիժն՝ ներումն . . . առ հուրն՝ անձրեւն, առ պատուհասն՝ պարգևն, առ ակնկալութիւն սատակմանն՝ ձիրն, առ դործարան մահուն, կենացն ազատութիւն: Աւ զի՞նչ է ինձ զայսքանեաց յիշմանց 'ի թիւ արկանել, և ո՞չ զանձառելիսն աստանօր դասել, յիշատակաւ Հօրն բարձրելոյ՝ յորդին կցորդութիւն, յանուն միածնին առ Հայրն ընտանութիւն, սոցին ակնարկութեամբ ընդ հոգւոյն հաղորդութիւն, խաչին փրկանք, բանին սփոփութիւն, բարւոք վարձ կամացս առ կշռութիւն գիտողին, աւազանն կենդանարար հաշտութեանն միջնորդութիւն, և այլք ամենայն անթիւ բարիք 'ի բարերարէն բարդեցեալք, ազատք 'ի հարկէ, արձակք 'ի լծոյ, իշխանականք և ո՞չ իշխեցեալք: Այսոքիկ են՝ որ ինձ 'ի մէջ դառնութեանս մահու, կեանս անտարակոյս աւետարաննն»: Նար. ԼԳ:

Իսկ Սուրբն Գիտնէօիոս Արիսպագացին 'ի գիրս եկեղեցական քահանայապետութեան յերրորդ ճառի զսուրբ աւետարանն Քրիստոսի գլուխ Աստուածարանութեան անուանէ:

«Ասան զի բոլոր աւետարանն է, ասէ, իսկապէս Աստուածագործ
 տնօրէնութիւն յաղագս ճառելոյ անտանօր զԱստուածային
 տնօրինական գործս, և մեծահրաշ խորհուրդս սքանչելի մար-
 դեղութեան Քրիստոսի, յորում բացայայտ աւետարանի ա-
 մենեցուն յականատես սրբազան աւետարանչաց անտի: Եւ բանն
 մարմին եղև, և բնակեաց ՚ի մեզ, և տեսաք զիառս նորա իբ-
 րև զմիածնի առ ՚ի Հօրէ լի շնորհօք և ճշմարտութեամբ» .
 Յովհ. Ա. 14: Ապա ուրեմն՝ աններելի յանդդնութիւն է զԱս-
 տուածական անուն Սրբոյ աւետարանին Յիսուսի Քրիստոսի
 փոխել և անուանել զնա Վարք Յիսուսի Քրիստոսի, պատմութիւն
 Վարոց Յիսուսի Քրիստոսի :

Բ Ա Ն Ե Ր Կ Ր Ո Ր Դ :

Ի վերայ բանին Կրճանիկ Տերունւոյն Սիմէօնի, որ խորհր-
 դաւոր բարեբանութեամբ ասաց առ Սուրբ Առյան Աստուածածին՝
 վասն փրկչին մերոյ Յիսուսի Քրիստոսի թէ՛ «Ահա սա կոյ ՚ի
 զլորումն և ՚ի կանգնումն բաղմաց ՚ի մէջ Խորայէլի և ՚ի նշան
 հակառակութեան» . Ղուկ. Բ. 34. Հեղինակն մատենին վարք
 Քրիստոսի ծանօթութիւն ասյ զբելով այսպէս. Որք հաւատա-
 ցին ինա՞ կեցցին, և որք ոչն հաւատան՝ դատադարտեացին. որով
 եղիցինա պատճառք փրկութեան բաղմաց, և անհատաւիցն կորստեան
 համարեացի պատճառք՝ թէպէտ և աս նոցա անհաւատութեանն այն, և
 ոչ յիւրոց ինչ առաջին կտմաց: Երևա 15. Շանօթ. 3:

Բայց մեծապէս սխալի Հեղինակն. նախ՝ զի առաջին հա-
 տուածն չէ՛ բացատրութիւն կամ ծանօթութիւն Տերունւոյն
 Սիմէօնի խորհրդաւոր բանիցն, այլ կենարարին մերոյ Յիսու-
 սի Քրիստոսի տուեալ իշխանութեան և հրամանի սրբազան ա-
 ռաքելոցն զասուց, զոր յառաք սքանչելահրաշ Համբարձմանն
 իւրոյ առ Հայրն երկնաւոր, ևտ նոցա ըստ աւետարանական
 վկայութեան. «Եւ ասէ ցնասա, երթայք յաշխարհ ամենայն:

և քարոզեցէք զաւետարանն արքայութեան ամենայն արա-
րածոց, որ հաւատասցէ, մկրտեսցի՝ կ'ցցէ, և որ ոչն հաւա-
տասցէ՝ դատապարտեսցի»։ Մարկ. ԺԶ. 15. 16:

Ներկրորդ՝ տալով զայս ծանօթութիւնն ՚ի վերայ բանիցն
երանելի ճերուելոյն Սիմէոնի. Որով կղիցի նա պատճառք փրկու-
թեան բազմաց, և անհաւատիցն կորսեան համարեցի պատճառք՝ թէ-
պէտ և ան նոցա անհաւատութեանն այն և ոչ վերոցինչ առաջին կամաց,
տարակուսելի առնէ զընդհանրական շնորհս անձառելի փրկա-
գործ մարդկութեան ճեանն մերոյ. վասն զի մեք հաւա-
տամք և խոստովանիմք թէ Յիսուս Քրիստոս Աստուածն մեր՝
նոյն ինքն է փրկիչ և փրկութիւն աղղի մարդկան, և ոչ պատճառ
փրկութեան մերոյ անուանի և ոչ խկարատճառ կորուսելոցն և զլո-
րելոցն յանհաւատութեան խորխորատ, ոչ մերձաւոր և ոչ հեռաւոր, ոչ
առաջին և ոչ հետևեալ կամօք, այլ նոյն ինքն Յիսուս Քրիս-
տոս կղև, և է փրկիչ աշխարհի, և նոյն ինքն է քննող զազանեաց
արդարաքննին դատաւոր, ըստ քարոզութեան սուրբ գրոց.
«Զօրացարնք ձեռք լքեալք, և ծնունկք կթուցեալք, մխի-
թարեցարնք կարճամիտք սրտիւք, զօրացարնք և մի՛ երկն-
չեք: Ահաւասիկ Աստուած մեր հատուցանէ զդատաստան, և
հատուցէ, ինքնին կկեցէ և փրկեցէ զմեզ: Յայնժամ աչք
կուրաց բացեն, և ահանջք խլից լուիցեն: Զի ահաւասիկ Տէր
լսելի արար մինչև ՚ի ծագս երկրի: Ասացէք դստեր Սիօնի.
ահաւասիկ փրկիչ քո հասեալ զայ և ունի զվարձս իւր ընդ
իւր, և գործ իւր առաջի երեսաց իւրոց, և կոչեսցէ զնա ժո-
ղովուրդ սուրբ փրկեալ ՚ի ճեաննէ»։ Եսայ. ԼԵ. 3: 4Բ 11:

«Ուրախ լեր յոյժ դուստր սիօնի, քարոզեա՛ դուստր Ե-
րուսաղէմի, ահա՛ թաղաւոր քո զայ սու քեզ, արդար և
փրկիչ, նոյն հեզ և հեծեալ ՚ի վերայ իշոյ և յաւանասի Նո-
րոյ: Եւ փրկեցէ զնոսա Տէր Աստուած նոցա յաւուր յայն-
միկ իբրև զոչխար զժողովուրդս իւր»։ Զաք. Թ. 9. 16:

«Առաջնորդեալ ինձ ՚ի ճշմարտութեան քում, և ուսն զիս, զի դու ես Աստուած փրկիչ իմ, և ես քեզ համբերի զօրհանապաղ: Ասացին յամենայն ժամ մե՞ծ է Աստուած և ոչք սիրեն զփրկութիւնս քո: Ես աղքատ և տնանկ եմ, Աստուած օգնեալ ինձ՝ օգնական և փրկիչ իմ ես, և Տէր իմ մի՛ յամենար» . Սաղմ. ԻԳ. 5: ԿԹ. 6. 7:

«Եւ Զաքարիա Հայր (Յովհաննու Մկրտչի) լցաւ հոգւով սրբով՝ մարդարեացաւ և ասէ: Եւ յարոյց եղջիւր փրկութեան մեզ ՚ի տանէ զաւթի ծառայի իւրոյ, որպէս խօսեցաւ բերանով սրբոյ . որք . յաւիտենից մարդարեքն նորա էին, փրկութիւն ՚ի թշնամեաց» . Ղուկ. Ա. 67. 68:

«Եւ ասէ Մարիամ, մեծացուցէ անձն իմ զՏէր, և ցընծացաւ հոգի իմ յԱստուած փրկիչ իմ»:

«Եւ ասէ հրեշտակն, մի՛ երկնչեք, զի ահաւասիկ աւետարանեմ ձեզ զուրախութիւն մեծ, որ եղիցի ամենայն ժողովրդեանն, զի ծնաւ ձեզ այսօր փրկիչ» : Անդ. Ա. 46: Բ. 10. 11:

«Ի սորա զուակէ Աստուած ըստ աւետեացն յարոյց Իսրայէլի զփրկիչն Յիսուս» . Գործ. ԺԳ. 23:

«Եկեացէ ՚ի սիօնէ փրկիչ և դարձուցէ զամբարշտութիւնս ՚ի Յակովբայ» . Հռովմ. ԺԱ. 26:

«Քանզի երեւցաւ շնորհն Աստուծոյ փրկիչ ամենայն մարդկան, որ խրատէ զմեզ, զի ուրասցուք զամբարշտութիւն, և զաշխարհական զքանկութիւն, զզաստութեամբ, և արդարութեամբ, և Աստուածապաշտութեամբ կեցցուք յաշխարհի: Եւ ակն կալցուք երանելի յուսոյն և յայտնութեան փառաց մեծին Աստուծոյ և փրկչին մերոյ Յիսուսի Քրիստոսի՝ որ եւ զանձն վասն մեր, զի փրկեացէ զմեզ յամենայն անօրէնութենէ, և սրբեացէ իւր ժողովուրդ սեպհական նախանձաւոր գործոց բարութեան» . Տիտ. Բ. 12. 14:

«Մեք տեսաք և վկայեմք, զի Հայր առաքեաց զորդին իւր

Ապա Յիսուս Քրիստոս փրկիչն մեր ինքնին իսկ տիրապէս
 գորով փրկութիւն ազգի մարկան՝ հակառակ նորին ինքնազօր
 սքանչելի փրկագործութեանն չկարենք համարձակիլ ասել
 պատճառ փրկութեանն. բայց չ'սխալիմք՝ յորժամ ասիցիմք,
 պատճառ զանազան կատարելութեանց մերոց՝ զոր շնորհաց
 մեզ սքանչելի համբերութեամբ ՚ի կամաւոր չարչարանս իւր
 և ՚ի հնազանդութեան մահու չափ և մահու խաչի:

Պատճառ եղև նախ՝ արդիւնաւորութեան կամաւոր զղջման և սպաշխարու-
 թեան մերոց, զոր և ինչն իսկ քարոզեաց. Աթէ այսպէս պաշա-
 էր չարչարիլ Քրիստոսի և յառնել ՚ի մեռելոց յաւուր երրոր-
 դի, և քարոզել յանուն նորա սպաշխարութիւն և թողու-
 թիւն մեղաց. Ղուկ. ԽԳ. 46:

Երկրորդ՝ ստեղծի չարչարանքն և խաչելութիւն փրկչին մերոց Յիսուսի
 Քրիստոսի եղև պատճառ հաշտութեան մերոց ընդ Հոր Աստուծոյ. ըստ այնմ.
 «Յայանեաց Աստուած զսէրն իւր ՚ի մեզ, զի մինչդեռ մեղա-
 ւորքն էաք՝ Քրիստոս վասն մեր մեռաւ, սրչափ ևս առաւել
 յարդարանալս մերում այժմիկ արեամբ նորա ապրեացուք նա-
 վաւ ՚ի բարկութենէ անտի, զի եթէ մինչ թշնամիքն էաք՝
 հաշտեցաք ընդ Աստուծոյ, մահուամբ որդւոց նորա. սրչափ
 ևս առաւել ՚ի հաշտիլս մերում ապրեացուք կենօքն նորա».
 Հռովմ. Ե. 8—10:

Երրորդ՝ պատճառ է Յիսուս համարձակութեան արդարոց մտանելոյ յերկ-
 նային վատս. և վայելելոց անդանօր զերանութիւնս անխաճան կենաց, զոր
 շնորհաց միջնորդութեամբ պատարադի Աստուածային անձին իւրոյ ի սեղան
 խաչին. ըստ այնմ. «Թէպէտ որդի է ուռաւ ՚ի չարչարանաց անտի
 զհնազանդութիւն: Եւ իչրի կատարեցաւ՝ եղև հնազանդելոց
 իւրոց պատճառ փրկութեան յաւիտենից, և անուանեցաւ
 յԱստուծոյ քահանայապետ յաւիտենից, ըստ կարգին Մելքի-
 սեղեկի». Եբր. Ե. 8. 10:

Ունիմք այսուհետև կ'ըրարք, համարձակութիւն ՚ի մուտս
 սրբութեանցն արեամբն Յիսուսի, զոր նորոզեաց մեզ ճանա-

պարհ նորոյ և կենդանի 'ի ձեռն վարագուրին, այսինքն է մարմնոյ իւրոյ. և քահանայ մեծ 'ի վերայ տանն Աստուծոյ. Անդ. Ժ. 19. 20:

«Սի'րելիք՝, եթէ սիրաք մեր զմեզ ոչ սողտանիցեն համարձակութիւն ունիւք առ Աստուած, և զոր ինչ հայցիւք՝ առնուցուիք 'ի նմանէ, զի զպատուիրանս նորա պահեմք և զհաճոյս առաջի նորա առնեմք». Յովհ. Գ. 21:

Նոյնպէս Յիսուս Քրիստոս չէ պատճառաւ գործան անհաւատից, այլ է դատարար արդար, դատաւարտիչ իրաւամբ և արդարութեամբ զլորելոցն 'ի խորխորատն անհաւատութեան և մոլեկան վարուց, ըստ հեռեկալ վկայութեանցս. «Հանձարեղք սրտիւք լուարնէք ինձ, և մի' լիցի ինձ ամբարշտել առաջի Տեառն, և առաջի ամենակալին ազմկել զիրաւունս: Այլ հատուցէ մարդոյ ըստ իւրաքանչիւր գործոց նոցա». Յօբ. 1Գ. 10. 11:

«Եւ ազգաց հատուցէ զվրէժխնդրութիւն մինչև բարձրէ զլրութիւն ամբարտաւանից, և զգաւազան մեղաւորաց խորտակեցէ. մինչև դատեացէ զդատաստանս ժողովրդեան իւրոյ, և զուարճացուցէ զարդարս ողորմութիւն իւր». Սիրաք. 1Ե. 23. 25:

«Աստուած դատաւոր արդար, հզօր և երկայնամիտ, որ ոչ ածէ զըտրելութիւն իւր զօրհանապազ». Սաղմ. Է. 12:

«Ես եմ Աստուած, և չիք այլ ոք բաց յինէն: Զի ինձ կրկնեցի ամենայն ծունր և խոստովան լիցի ամենայն լեզու Աստուծոյ: Եւ ասացէ թէ՛ արդարութիւն և փառք առնա եկեացին, և ամաչեացին ամենեքեան՝ որք որոշեն զանձինս իւրեանց 'ի Տեառնէ». Եսայ. ԽԵ. 21. 24:

«Ես Տէր քննեմ զսիրաս և փորձեմ զերի՛ամբ ւնս, տալ իւրաքանչիւր ըստ ճանապարհաց իւրոց, և ըստ պտղոյ գործոց իւրեանց». Երեմ. ԺԷ. 10:

«Զի գալոց է Արդի մարդոյ փառօք Հօր իւրոյ, հանդերձ հրեշտակօք իւրովք, և յայնժամ հատուցէ իւրաքանչիւր

զգործս իւրս. Մատթ. ԺԶ. 27:

«Եւ ոչ կթէ Հայր դատէ զոր, այլ ամենայն դատաստան
ես որդւոյ իւրոյ... Ոչ կամիմես յանձնէ առնել և ոչինչ, այլ
որպէս լսեմ՝ դատեմ և դատաստանն իմ արդար է. զի ոչ խըն-
դրեմ զկամս իմ, այլ զկամս այնորիկ՝ որ առաքեացն զես».
Յովհ. Ե. 22. 30:

՚Ի դէպ դան սատանոր բանք ապացուցու թեան կօթն կար-
գեան անուանեալ մատենին ՚ի քարոզն երրորդ կարգի. ԳԼ.
Ե. ԹՂԹ 298. յորում առեալ ՚ի վարդապետութենէ Օգոս-
տինոսի գրեալ է. «Նա լերուք սիրելիք, և մի՛ ժպրհիք կոչել
զՔրիստոս պատճառ դատապարտութեան շարաշար մեկնեալ
զբան մարդարէութեանս. թէ՛ կայ սա ՚ի զլորումն: Մի՛ զկորս-
ստեան պատճառ ՚ի վերայ Քրիստոսի արկանէք, որոյ որպէս
անաչառ է արդարութիւն, նոյնպէս ամբաւ է ողորմութիւն:
Հայեցարձք ՚ի թագաւորն երկոսեան, զորս առաջի առնեմ
ձեզ այսօր ՚ի Նարուգոգոնոսար, և ՚ի Փարաւօն: Ասացէ՛ք, զի-
մորդ սա խտասրտեալ եկաց մնաց անգեղջ, և նա ապաշխա-
րութեամբ մճարեաց զկեանս: Թէ՛ ՚ի բնութիւն հայիք, իւ-
րաքանչիւր էին նման միմեանց, զի երկոքին իսկ էին մարդ-
թէ յաստիճանն հայիք, դարձեալ նման միմեանց էին, զի եր-
կոքին իսկ էին թագաւոր: Թէ՛ զվարս և զբարս երկոցունց քրն-
նէք, դարձեալ միմեանց նման էին, զի երկոքին իսկ եղեն մե-
ղաւորք: Ապա թէ զԱստուածառաք պատուհասն երկոցունց
մտածէք, երկոքին իսկ սաստիկ պատժեցան: Արդ՝ ո՞ւստի եղև
միոյն զլորումն, և միւսոյն կանգնումն, ո՞ զվախճան դոցա ա-
րար այլատարազ. լուարձք զի՞նչ Օգոստինոս ասէ: Միոյն տե-
սեալ զԱստուածասաստ բարիութիւնն՝ յիշատակութեամբ անօ-
րէնութեան յողոց եհան. իսկ միւսն անձնիշխանութեամբ ա-
մենաողորմ ճշմարտութեան Աստուծոյ ընդդէմ զինեցաւ: Տե-
սէ՛ք, զի ոչ Աստուծոյ է գրելի կորուստ Փարաւօնի, այլ նմին
իսկ Փարաւօնի»:

Արժան է գիտել, զի բան Սիմէօնի, եթէ. «Սա կայ 'ի գլու-
 բունն և 'ի կանգնուանն բազմաց, 'ի նշանն հակառակութեան»,
 ունի յարարերութիւնն ընդ առաջինն բանիցն իւրոց, որովք
 բարեշաննէ զՏէր Յիսուս յասելն, «Այս 'ի յայտնութիւնն հե-
 թանասաց' և փառք ժողովրդեան քում Կարայէլի»: Այսու կրա-
 նելի ծերունին Սիմէօն մարդարէանայ Հողով սրբով, եթէ այս
 փրկիչն աշխարհի Յիսուս ծագեցաւ իւրե զանաղօս լոյս ճրշ-
 մարտութեան, և որ մերձենայ առ սա անարատ հաւատոյ ա-
 չօք, արդարանայ և ընդունի զլոյս փրկութեան և շնորհաց-
 իսկ որք հեռանան 'ի սմանն մալութեամբ և մալորութեամբ
 իւրեանց, մնան 'ի խաւարի կորստեան և դատապարտութեան,
 զի ինքն Յիսուս է արեգակն արդարութեան, ըստ այնմ. «Ասան զթու-
 թեանց ողորմութեան Աստուծոյ մերոյ, որովք այց արար մեզ
 արեգակն 'ի բարձանց». Մատթ. Գ. 2: Առկ. Ա. 78:

Այլ թէպէտ լոյս արեգական կրեկցաւ Յիսուս փրկիչն
 մեր 'ի բարերարել ամենեցուն, բայց յԱստուածաշնորհ բարե-
 բարութիւնն անտի շնորհաց և փառաց գրկեալ դտանին բա-
 զումք, քանզի 'ի ծագել արեգական աչք բժտեալք և ցա-
 լաղնեալք մնասին 'ի լուսոյ նորին, քան թէ օդակն ինչ 'ի
 նմանն. նոյնպէս և աչք կուրացեալք ոչ կրքէք հաղորդին լու-
 սաճաճանչ նշուլից նորա, սասպէս և որք փակեն զպատուհանս
 իւրեանց վարագուրաւ ընդդէմ ճառագայթիցն արեգական,
 մնան 'ի խաւարի:

Եւ այս իսկ է դատաստան, զի լոյս եկն յաշխարհ, և
 սիրեցին մարդիկ զխաւար առաւել քան զլոյս, զի էին գործք
 իւրեանց չարութեան: Զի ամենայն որ զչար գործէ՝ ատեայ ըզ-
 լոյսն, և ոչ գայ առ լոյսն, զի մի՛ յանդիմանեացին գործք նո-
 բա: Իսկ որ առնէ զճշմարտութիւն, գայ առ լոյսն, զի յայտ-
 նի լիցին գործք նորա թէ՛ Աստուծով գործեցան». Յովհ. Գ.
 19-21:

Ապա՛ Յիսուս գրիտառ փրկիչն մեր անհաւատիցն չեղև, և չէ կրքէք

կորստեան սխառնառ, այլ զի ըստ առաքելոյն Պողոսի՝ « կամի, զի
ամենայն մարդիկ կեցցին, և ՚ի գիտութիւն ճշմարտութեան
կեկեցնեն » . Ա . Տիմ . Բ . 40 :

Ընթերցի՛ր և զքան մեկնութեան սուրբ վարդապետին մե-
րոյ Իշնասիոսի . « Ասէ ցՄարիամ մայրնորա, սա կայ ՚ի կանգ-
նումն և ՚ի գլորումն բազմաց ՚ի մէջ Իսրայէլի, և ՚ի նշան
հակառակութեան . յայտնի է այս մարդարէութիւն, զի և
մեկնութեան շնն ինչ պէտք . քանզի բազումք կանգնեցան նո-
վաւ ՚ի գլորմանէ անախ յառաջին յանցանացն և յանհաւա-
տութենէ և ՚ի կորստական մեղացն՝ յոր ըմբռնեցան, շնոր-
հօքն Քրիստոսի կանգնեալք, ՚ի վեր ամբարձան, և հաստատե-
ցան ՚ի վերայ վիմին, ըստ այնմ . Յհան զիս ՚ի գբոյ տառապա-
նաց ՚ի կաւոյ և ՚ի տղմոյ և կացոյց ՚ի վերայ վիմի զոսս իմ,
և ուղղեաց զգնացս իմ : Արդ՝ ըստ որում որք զպատշաճ հա-
ւատս նորա ընծայեցին, կանգնեցան, կացին ՚ի վերայ հաս-
տատուն վիմին : Ընդ նմին և որք անհաւատարմութեամբ վա-
րակեալք խտորեցան ՚ի նմանէ, զլորեալք ծածկեցան ՚ի խորս
խաւարին, որպէս զախրքն և փարիսեցիքն և այլք, որք ոչ հա-
ղորդեցան փառաց նորա : Յայտ առնեն և զայս գիրք մար-
դարէիչն : Նշից ասէ ՚ի հիմունս վէմ ընտիր և պատուական,
և ամենայն որ հաւատասցէ՝ մի՛ ամաչեացէ, դարձեալ վէմ
գլորման և քար գայթակղութեան : Արդ զոր մարդարէքն գու-
շակեցին ծածուկ խորհրդով, զնոյն Սիմէոն թարգմանեաց
յայտնապէս ՚ի վերայ Տեառն մերոյ . Սա կայ ասէ ՚ի կանգ-
նումն, և ՚ի գլորումն բազմաց :



ԲԱՆ ԵՐՐՈՐԳ:

Ընթեանումք 'ի սուրբ աւետարանի. Յիսուս փրկիչն մեր
 առակօք սկսաւ քարոզել խառասիրտ ժողովրդեանն Իսրայէլի,
 և մինչ առանձնացաւ՝ խնդիր մատուցին աշակերտքն նմա,
 որպէս և գրեալ է. «Նւ մատուցեալ աշակերտքն ասենցնա,
 ընդէր առակօք խօսիս ընդ նոսա. նա պատասխանի ետ և
 ասէ ցնոսա, քանզի ձեզ տուեալ է գիտել զխորհուրդս արքա-
 յութեան երկնից, և նոցա չէ տուեալ». Մատթ. ԺԳ. 10:
 Մարկ. Գ. 11: Ղուկ. Ը. 10:

Այս բանից Քրիստոսի ծանօթութիւն տայ Հեղինակն
 Վարք Քրիստոսի անուանեալ մատենի. երես 90. ծան: 1.
 Արքայութեան Մեծալին, թագաւորութեանն Քրիստոսի ի վերայ երկրի՝ հաս-
 տատելով և Կարգաւորելով զեկեղեցի:

Եւ զի՞նչ յարմարութիւն ունիցի այս ընդ վերոյիշեալ
 բանիցն Յիսուսի. այսչափ հեռաւոր, մթին և օտար իսկ են
 'ի լուսաւոր բանից Յիսուսի ծանօթութիւնք Հեղինակին:

Քանզի նոյն ինքն վարդապետն ճշմարտութեան Յիսուս
 Քրիստոս բացատրէ զբան իւր յասկն. «Զի ոյր գուցէ տայի նմա
 և յաւելցի, և ոյր ո՛չն գուցէ, և զոր ունիցին՝ բարձցի 'ի նմա-
 նէ. վասն այնորիկ առակօք խօսիմք ընդ նոսա, զի տեսանեն
 և ո՛չ տեսանեն, և լսեն և ո՛չ լսեն, և ո՛չ առնուն 'ի միտ: Նւ
 Կատարի առ նոսա մարգարէութիւնն Նսայեայ՝ որ ասէր, լսե-
 լով լուիջիք և մի՛ իմասջիք, և տեսանելով տեսջիք, և մի՛ տես-
 ջիք: Զի թանձրացաւ սիրտ ժողովրդեանս այսորիկ, և ականջօք
 իւրեանց ծանուես լուան: Նւ զաչս իւրեանց կափուցին, զի
 մի՛ երբէք տեսցեն աչօք, և ականջօք լուիցին. և սրտիւք ի-
 մացին, և զարցցին և բժշկեցից զնոսա. բայց ձեր երանի է
 աչացդ՝ զի տեսանեն. և ականջաց ձերոց՝ զի լսեն: Մատթ.
 ԺԳ. 12—17:

Ահա այս է բացայայտ ծանօթութիւն խորհրդու որ
բանիցն Յիսուս փրկչին մերոյ՝ զորս ծանկան աշակերտքն լն
դունակ լինելով շնորհաց երկնաւոր վարդապետին տիեզերաց
վասնորոյ ասաց ցնտաս. «Չեզ տուեալ է զխտել զխորհուրդս ար
քայութեան երկնից... այս է, 'ի ձեզ ներդործեցան շնորհք
փրկարար խորհրդոցն երկնից արքայութեան, իսկ 'ի խստա
սիրտս ո՛չ երբէք տեղի գտին, այլ ծածկեցան 'ի նոցունց: Յայս
միտս գրեն երանելի սուրբ վարդապետքն Նշնատիտս և Յովհան
նէս ճորճորեցի՝ հետեւելով աւետարանական վարդապետութեան
Յիսուսի Քրիստոսի. «Ասուցանէ աշակերտացն միայն զառա
կին իմաստ, և յայտնէ նոցա թէ՛ այսու զխտութեամբ ջահ
վառեաց ցնտաս յառատ լուսոյ անտի, զոր ինքն բնութեամբ
ունէր, և ո՛չ օրէն է նոցա թաղուն լնել, այլ ունին նոքա
'ի ժամանակէ անտի իբրև զլոյս սաստիկ տիտել ընդ բնաւս,
որ յայնժամ 'ի Պաղեստին ծածկեալ կոչին: Առ այս երկն
ցուցանէ որք զլանան զպտուղն ասելով որ ունիցի զգործս
բարիս՝ ևս յաւելցին 'ի նմա սերմանք բանին, իսկ որ ոչ կա
մեցաւ տալ զպտուղ բարութեանց՝ 'ի լսելն ևս բարձցի 'ի նմա
նէ. ըստ այնմ՝ Ամենայն ուռ որ բերէ զպտուղ, սրբէ զնա,
և որ ո՛չ բերէ զպտուղ կտրէ զնա: 'ի Մեկն. Ղուկ. ԳԼ. Ը:

«Չայս ասելով՝ ո՛չ թէ հարկ ինչ կամ վիճակ մուծանիցէ առան
ձինն հասեալ նոցա, այլ զի սոքա ազատք էին 'ի չարեաց, և նոքա
չարեք յղկացեալ, իսկ յանձն չար արուստ իմաստութիւն
ո՛չ մտանէ, ասէ Պողոմն...: Այսինքն՝ թէ յորժամ յօժարու
թեամբ որ, և փոյթ յանձին ունիցի՝ տացի նմա ամենայն ինչ
յԱստուածակոյս կողմանէ անտի: Իսկ յորժամ յայնցանէ թա
փուր իցէ որ և ո՛չ լիցի նպաստ յանձնէ, ասլա և ո՛չ յԱստու
ծոյ ինչ տացի նմա, որպէս ասէ, թէ զոր ունիցի բարձցի 'ի
նմանէ...: Եւ դարձեալ զի ոյր դուցէ պտուղ բարեաց, տացի
նմա լսել զառակաւոր իմաստս հագւով, և ոյր ո՛չ դուցէ՛ զլսելն
ևս բարձցի 'ի նմանէ, զի մի իմացի. ըստ այնմ՝ ամենայն

ուռ որ ոչ բերէ զպատուղ՝ կտրէ զնա, և ամենայն տունկ զոր
 ոչ տնկեաց հայրն իմ երկնաւոր, այլ չալն՝ խլեացի...: Յթէ
 չտեսանէին, ապա պարտ էր զաչս նոցա բանալ: Իսկ եթէ բը-
 նութեան չէր կուրութիւն, այլ կամացն և անձնիշխանու-
 թեան, զայն զի՞նչ հարկ էր առնել, վասն այնորիկ ոչ ասաց
 լոկ թէ չտեսանեն, այլ թէ տեսանեն և ՚չ տեսանեն. քանզի
 տեսանէին զդեռ հանեալ և ասէին բեհեղղեբուղաւ հանէ, և
 լսէին զի առ Ատուած մերձեցուցանէր և բազում միաբանու-
 նութիւն խօսէր զիւր ընդ Ատուծոյ, ասէին թէ չէ՞ դա յԱտու-
 ծոյ, կամ թէ տեսող ասեն զինքեանս օրինօքն և կոյրք են, և լսն
 զբան մարդարեւիցն, և ոչ առնուն ՚ի միտ զեկեայն, զոր մար-
 դարէքն գուշակեցին ըստ այնմ: Ի դատաստան եկի յաշխարհս,
 զի որք ոչ տեսանենն՝ տեսցին, և որք տեսանենն՝ կուրացին: Ի
 Մեկն. Մատթ. Գլ. ԺԳ:

Ապա ուրեմն կարի յխաղեալ է Հեղինակն ՚ի տալն զայս
 ծանօթութիւն. թէ՛ արքայութեան Մեսիային, թագաւորութեան ի վե-
 րայ երկրի հաստատելով և կարգաւորելով զեկեղեցի, այլ պարտ էր նմա
 յատակ և պարզ հոգւով նկատել զնշանաւոր զօրութիւն խոր-
 հրդաւոր բառիցն, զոր յայանեաց Յիսուս աշակերտացն ա-
 սելով. «Չեզ տուեալ է գիտել զխորհուրդս արքայութեան եր-
 կնից, և նոցա ոչ է տուեալ»:

Քանզի այս սքանչելի խորհրդոյս տեսութիւն ոչ միայն
 յայանեցաւ սրբազան աշակերտացն և առաջելոցն Յիսուսի, և
 ոչ միայն նոքա ծանօթ եղեն, այլ և զնոյն քարոզել և աւետա-
 բանել փութացան ՚ի մէջ հաւատացելոց հրէից և հեթանո-
 սաց. ուստի զրէ սրբազան առաքեալն Պօղոս առ Հռոմայե-
 ցիս. եթէ՛ «Ոչ կամիմ եղբարք, եթէ տգէտք իցէք խորհրդոյս
 այսորիկ, զի մի՛ յանձինս ձեր իցէք խմաստունք, զի կուրու-
 թիւն փոքր ՚ի շատէ եղև Խորայելի, մինչև լրումն հեթանո-
 սաց մտցէ, և ապա ամենայն Խորայել կեցցէ, որպէս և գրեալ
 է, եկեացէ ՚ի Սիօնէ փրկիչ և դարձուցէ զամբարշտութիւնն

ի Յակոբայ: Հռովմ. ԺԱ. 25. 26:

Խորհուրդ ասելով տայ իմանալ նախ՝ զԱստուածային մարդասիրական արդարացի նախասահմանութիւնն ՚ի փրկութիւն արդի մարդկան. մանաւանդ զի խորհուրդ էր ծածկեալ ՚ի մարդկային զխտութենէ սքանչելահրաշ յայտնութիւն մարդեղութեան բանին Աստուծոյ: Արդարեւ անճառելի խորհուրդ էր մարդասիրական վերջապահութեան ձրիատուր շնորհաց Յիսուսի. զորս քարոզեցին սրբազան առաքեալքն՝ մանաւանդ սրբազան առաքեալն Պօղոս գրէ այսպէս «Եցոյց մեզ զխորհուրդ կամաց իւրոց, ըստ հաճութեան իւրում, զոր առաջագոյն ետ նովաւ»: Եփես. Ա. 9:

85-00171

«Զխորհուրդն որ ծածկեալ էր ՚ի յաւիտեանց և յազգաց, որ այժմ յայտնեցաւ սրբոց իւրոց, որոց կամեցաւ Աստուած ցուցանել. թէ զի՞նչ է մեծութիւն փառաց խորհրդոց նորա ՚ի հեթանոսս, որ է Քրիստոս ՚ի ձեզ յոյսն փառաց»: Կող. Ա. 26. 27:

«Եւ յայտնի իսկ մեծ է խորհուրդն Աստուածպաշտութեան, որ երևեցաւ մարմնով, արդարացաւ հոգևով, յայտնեցաւ հրեշտակաց, քարոզեցաւ ՚ի հեթանոսս, հաւատարիմ եղև աշխարհի և վերացաւ փառօք»: Ա. Տիմ. Գ. 16:

Զայս զարմանաւքանչ խորհուրդն լուսաւոր մտօք նկատեալ Քերթողահօրն մերոյ Մովսիսի խորենացւոյն, երգէ զայս շարական ՚ի կանոն աւուր ծննդեան Յիսուսի. «Խորհուրդ մեծ և սքանչելի, որ յայսմ աւուր յայտնեցաւ, հովիւքն երգեն ընդ հրեշտակսն, տան աւետիս աշխարհի: Դնաւ նոր արքայ ՚ի բէթղէհէմ քաղաքի, որդիք մարդկան օրհնեցէք, զի վասն մեր մարմնացաւ»:

Եւ որովհետև այս սքանչելահրաշ անաղօտ լուսոյն շնորհաց Հոգւոյն ծանօթացան սրբազան աշակերտքն Քրիստոսի, վասն որոյ ասաց նոցա Փրկիչն մեր. «Ձեզ տուեալ է զիտել զխորհուրդս արքայութեան երկնից». ուրեմն յոյժ հեռի և անյարմար է, մանաւանդ շփոթիչ մտաց այն բացատրութիւն, զոր տուեալ է Հեզինակն:

Բ Ա Ն Չ Ո Ր Ր Ո Ր Գ :

Կենարարն մեր Յիսուս Քրիստոս յայլագս փրկագործ և կենարար հաղորդութեան Աստուածահրաշխորհրդոյն՝ այսպէս աւետարանեաց. «Ասէցնուսա Յիսուս. ամէն ամէն ասեմ ձեզ, եթէ ոչ կերիջիք զմարմին որդւոյ մարդոյ՝ և արբջիք զարիւն նորա, ոչ ունիք զկեանս յանձնիս. որ ուտէ զմարմին իմ, և ըմպէ զարիւն իմ, ունի զկեանս յաւիտեանականս և ես յարուցից զնա յաւուրն յետեւում. զի մարմին իմ ճշմարիտ կերակուր է, և արիւն իմ ճշմարիտ ըմպելի է. որ ուտէ զմարմին իմ, և ըմպէ զարիւն իմ, յիս բնակեցի, և ես՝ ի նամ» . Յովհ. Զ. 54-56:

Չայս անժխտելի աւետարանական բանից զօրութիւն նկատելով հողելից վարդապետութեամբ սուրբն Գրիգոր լուսաւորելն մեր այսպէս քարոզեաց. «Արք ՚ի Քրիստոս մկրտեցան ճշմարիտ հաւատով և սուրբ սիրով՝ հաղորդին մարմնոյ և արեան փրկչին, որ դրաւական է փառաց յուսոյ յարութեան, ըստ բանին Տեառն, թէ քանիցս անգամ եթէ ուտիցէք ՚ի մարմնոյ իմմէ, և ըմպիցէք յարեանէ իմմէ՝ զյիշատակ մահուան իմոյ պատմեսցիք, ՚ի դարձ գալստեան իմոյ յերկիր, զի նա է ազատիչ և արդարացուցիչ՝ որով լուծանին մեզք հին մարդոյն և սկիզբն առնուն նորքս, որ ըստ Աստուծոյ հաւատովք՝ սուրբ և ճշմարիտ ՚ի Քրիստոս Յիսուս» . Յաճախ. ճառ ԺԳ:

Եւ երանելի սուրբն Յովհանն Ասկեղերան զբան Սրբազան առաքելոյն Պողոսի, «Քանիցս անգամ թէ ուտիցէք զհացս զայս, և զբաժակս ըմպեցէք, զմահ Տեառն պատմեցիք՝ մինչև եկեացէ նա» . Ա. կորնթ. ԺԱ. 26, այսպէս բացատրէ թէպէտ համառօտ՝ բայց կարի ազգու. «Քանիցս անգամ, ասէ, թէ առնիցէք զայն, զմահ Տեառն պատմեսցիք զձերոյ փրկութեան և զիմոյ բարերարութեան» . ՚ի ճառ երկրորդ:

Արդ՝ վկայութիւնքս այսօրիկ յայտնեն մեզ, եթէ փրկա-

22
1
0
1
1

բար և կենդանարար խորհուրդն հաղորդութեան է անհրաժեշտ կարևոր հոգւոց մերոց 'ի փրկութիւն և 'ի ժառանգութիւն յախտնական անմահ կենդանութեան: Բայց անս, հակառակ աւետարանական, առաքելական և հայրապետական ճշմարտութեան՝ զխորհ համարձակեալ է զրել զայս բան շիութիւն մտաց Հեղինակն Վարք Քրիստոսի անուանեալ մատենին. Թէպէտ և չիցէ, ասէ, խորհուրդն հաղորդութեան անհրաժեշտ հարկաւ կարևոր ի փրկութիւն, սակայն հարկաւոր է յոյժ ի պահել յանձինս զհոգևորական կենդանութիւն: Երես 117. Յանօթ. 3: Եւ յորմէ արդեօք Աստուածաբանութենէ առնու և անխիղճ և հակառակ սրբոց վատահի այսպիսի անհեթեթ սահմանս տալ:

Քանզի յայս բան մերժել յանդգնի Հեղինակն զայն կրկին խորհրդական աղբիւրս փրկութեան և անմահ կենդանութեան ազդի մարդկան, զոր Փրկիչն մեր տնօրինեաց 'ի խաչին բղխեցուցանել 'ի շնորհաբուղիս կողէն իւրմէ որոշ որոշ կրկին վտակաւ արեան և ջրոյ, ըստ սրբազան աւետարանչին Յովհաննու. «Մի ոմն 'ի զինուորացն տիգաւ խոցեաց զկողն նորա և վաղվաղակի ել արիւն և ջուր»: Յովհ. ԺԹ 34: Այս ինքն՝ ել արիւն յայտարար հաղորդութեան սրբարար խորհրդոյն, և ել ջուր որոշակի՝ խորհրդոյն մկրտութեան:

Այսպէս մեկնէ Ներսէս Ենորհալի Սուրբ Հայրապետն փայտութեամբ սուրբ հարց. այսպէս և սուրբն Յովհանն Ասկերերան 'ի մեկնութեան այնր բանի աւետարանին. «Յերկուց աղբերացն՝ ասէ, սրբ ելին 'ի կողեցն Տ'առն, շինեցաւ եկեղեցի. քանզի ջրովն ճնանխմք վերատին աւաղանաւն, և արեամբ սնանխմք ճաշակելով զնա»:

Սմին համաձայն և զրիւզոր Նիւսայի 'ի բանն, որ վասն Թաղման Տեառն, 'ի դիմաց Արեմաթացւոյն Յովսէփայ ասէ:
«Շօշափեցից զանարատ զկողս նորա, յորմէ աղբ'րացաւ արիւն խորհրդական և ջուր վերատին ճննդական»:

Եւ սուրբն Եփրեմ. «Ել 'ի նմանէ բղխումն ջուրց, զի շիջուցէ զհուրն Ազամայ առաջնոյ և եղիցի լուանալ զճառայու»:

Թիւն չարութեան նորա, ել և արիւն ողորմութեամբ, որով
զնեաց զմեզ 'ի ծառայութենէ անտի. և քանզի յարենէ է ա-
մենայն կենդանութիւն, կենդանացոյց զմեզ արեամբն իւրով:

Եւ այլ բազումք 'ի վարդապետաց, ոյք յիշատակեցին զայս
բան, 'ի սոյն միտս մեկնեցին՝ զջուրն 'ի մկրտութեան խոր-
հուրդն և զարիւնն 'ի ճաշակման:

Ենորհալի Հայրապետին մերոյ վարդապետութիւնն առ այս՝
յայտնի տեսանի 'ի գիրս Յիսուս որդի և 'ի շարակնոցին.
որ խապառ մերժէ զսխալմունս Հեղինակին:

«Տիգով հարեալ զինաւորին,
Աղբիւր բղեսաց 'ի սուրբ կողին,
Ջուրն 'ի լուացումն աւազանին,
Արիւն յարբումն խորհրդին,
Վասն վիրաց կողածին,
Որով մեռաւ մարդն առաջին»:

Եւ թէ՛ «Քարոզի 'ի սքանչելեաց, Աստուած մարմնով վասն իմ
խաչեալ. մերով բնութեամբս մեռանի, Աստուած անմահ խոս-
տովանի. կրկնավտակ կողին աղբերքք եկեղեցի իւր հաստատէ,
Զբովն մաքրի, զարիւն ըմպէ, զՈրդի ընդ Հօր փառաւորէ»:

Բ Ա Ն Հ Ի Ն Գ Ե Ր Ո Ր Դ .

Թագաւորն թագաւորաց Յիսուս Քրիստոս ազատ էր յա-
մենայն հարկաց կայսեր և 'ի հարկատուութենէ զլատական օ-
րինաց. քանզի ո՛չ երբէք զրեալ տեսանի յաւետարանչաց և
յառաքելոց, եթէ Յիսուս Քրիստոս հարկս տայր. բայց միայն
զրէ սրբազան աւետարանիչն Մատթէոս զայս ինչ, թէ՛ «Իբ-
րև եկին նոքա 'ի Կափառնայում. մատեան՝ որք զերկդրամեանն
պահանջէին՝ առ Պետրոս և ասին, վարդապետն ձեր ո՛չ տայ
զերկդրամեանն, և ասէ այն՝. Մատթ. Ժ. 23:

Կարի շարամտութեամբ էր այս հարցումն նոցա առ Պետրոս.
վասն զի ասէ Յովհանն Մործորեցի 'ի մեկնութեան բանիցս այսոցիկ.

«Քանզի եկին նոքա հարկս խնդրել, որպէս զի պարուրս դտա-
նիցենն ՚ի վերայ նորա. որպէս զի թէ ոչ տացէ, ապատամբեալ
զնա յօրինացն ասիցենն, և թէ տացէ, համարիցենն զնա իբրև
զօտար մի: Եւ մինչ Սրբազան առաքեալն Պետրոս ականաճու-
թեամբ մեծաւ ոչ համարձակէր ազդ առնել Տեառն մերոյ ըզ-
հարցումն պահանջողաց երկդամենի, Յիսուս ինքն յառաջեաց
քան զնա իբրև նախաճանօթ իրողութեան, վասնորոյ զնոյն
իբրև դատաւոր կացոյց վասն այնր անիրաւ պահանջմանց. .
Եւ իբրև եմուտ ՚ի տուն յառաջեաց քան զնա Յիսուս և ա-
սէ. զինորդ թուի քեզ, Սիմոն, թագաւորք ազգաց յ՛ւմմէ
առնուն զհարկս կամ զհասս, յորդւոց իւրեանց. թէ յօտա-
րաց. և իբրև ասաց թէ յօտարաց, ասէ ցնա Յիսուս, ապա ու-
րեմն՝ ազատք են որդիքն. բայց զի մի՛ գայթակղեսցուսցուք
զնոսա, երթ ՚ի ծով, և ընկեա՛ կարթ, և զառաջին ձուկն՝ որ
ելանիցէ, առ, և բաց գլերան նորա, և դտանիցես սատեր, և
զայն առեալ տացես ընդ իմ և ընդ քոյ:

Տե՛ս, որպէս բացայայտ նկարագրական մեկնութեամբ շնոր-
հալից բանիւ բացատրէ զաւետարանական բանս Յիսուսի Քրիս-
տոսի փրկչին մերոյ երանելի Վարդապետն. «Թուի թէ և զՊետ-
րոս կազդուրել կամի, թէ՛ չէ՛ ինձ արժան հարկս տալ, որ-
պէս դու իրաւ համարեցար, վասն որոյ և դատաւոր զնա նատոյց.
և զայս հաստատէ ոչ միայն հարցմամբն, այլ և առաջելովն
քան զնորա ասելն և կամ զայլոց ումէք ծանուցանել: Նա
և համարձակութիւն տայ Պետրոսի ասել դանդաղէր և ամաչէր
յիւրոցն. Զինորդ թուի քեզ, թէ թագաւորք ազգաց, ասէ,
յ՛ւմմէ առնուն զհարկս կամ քահանայք զհասսն. . . . Սրդ՝
զսոցա կարծիան խափանեաց հարցմամբ, քանզի զանձնէ կցոյց
թէ՛ չէ՛ օտար: Այլ ազատ է և զնոցանէ առաւել անիրաւու-
թիւն խորհին՝ քան զթագաւորս և զբռնաւորս ազգաց, զի թէ
որպէս ասացեր, նոքա յօտարաց, իսկ սոքա յաղքատաց, կա-
րի իմն անիրաւք են, և որդի եմ ոչ երկրաւոր թագաւորի,

այլ կրկնաւորին: Եւ դարձեալ զի Ղևտացիք էին. որ զհասն
պահանջէին, եկին փորձել զնա, զի թէպէտ վարդապետ զի-
տէին, սակայն քահանայն ոչ կարծէին. իսկ Տէրն յայտնապէս
նչ կցոյց զինքն քահանայ զոյ, այլ օրինակաւն ծանոյց. քանզի
Ղևտացիք, ոչ տան հարկս, զի ազատք էին. քանզի թագա-
ւորք Եբրայեցւոց զքահանայս ոչ հարկէցուցանէին, այլ ա-
զատ պահէին. ասաց և ինքն ազատս զոյ, որով կցոյց թէ և
քահանայ է. . . . : Թէպէտ տայ զհարկն, բայց ոչ վայրապար
համարեալ է տալ, այլ նախ՝ ցուցանէ, թէ չէ պարտ տալ, և
տալա տայ, զի միովն նոքա չ'զայթակղեսցին, և միւսով սոքա
չ'մնասեսցին, զի ոչ իբրև զպարտական տայ, այլ զի զնոցա
անմտութիւն ածցէ յուղղութիւն: Նաև տալովն զանձառ
զօրութիւն ծանոյց, զի ոչ 'ի քսակէ, այլ 'ի ծովէ իբրև զա-
մենայնի Աստուած հրամայեաց տալ, որում և երբեմն սաս-
տեաց իսկ. . . և աստ 'ի ծովէ տայ, և ոչ է փոքր սքանչելիք, յայն-
պիսի խորոց զձուկն սատերաւն արտաքս ածել. քանզի կրկին
և երկկին սքանչելիք է, զի 'ի ծովէ, 'ի ձկանէ, և յառաջին ձկա-
նէ՝ քանզի կարթն մին ըմբռնէ, որ ամենեւին զԱստուածական
զօրութիւն յայտ առնէ, որ ծովուն ևս հրամայեաց հարկա-
տու լինել և հնազանդ. մի՛ զայթակղեսցուցուք զնոսա այս-
ինքն բամբասել զմէնջ, թէ օրինազանցք էին. քանզի յորում
տեղւոջ վասն այլոց և վասն հոգ՝ որացն էր բանք, ոչ ինչ փոյթ
առնէր զայթակղութեան նոցին, այլ ասէր՝ թոյլ տուք՝ կոյրք
են կուրաց առաջնորդ. իսկ՝ յորժամ վասն անձին և մարմ-
նական իրաց՝ զզուշանայր յոյժ առ 'ի խրատ մեզ »:

Սմին համաձայն զրէ Շնորհալի Սուրբ Հայրապետն մեր,
«Բայց անդրանիկն արարածոց, նոյն անդրանիկն և մեռելոց,
պահանջի հարկս 'ի ստեղծուածոց, ըստ անդրանկաց Եբրա-
յեցւոց: Զոր Պետրոսի տալ հրամայէ, ոչ յարժաթոյ որ 'ի յերկ-
րէ, այլ արկանել կարթ 'ի ծովու, զսատերն առնուլ 'ի ձկա-
նէ, 'ի Յիսուս Արդի »:

Ապա Հեղինակն ո՞ր հողում զազատութիւն Քրիստոսի մերժեալ, հակառակ աւետարանական բանի կենարարին մերոյ Յիսուսի գրեղ ժպրհի, ծանօթութիւն տալով 'ի վերայ այս բանի. «Աարդապետն ձեր ո՞չ տայ զերկիրամեանն, և ասէ այն» . որպէս թէ ցուցանէ Հեղինակն թէ Յիսուս Քրիստոս ամ յամէ տայր զպահանջեալ հարկն. Թէպէտ տեսեալ էր, ասէ, զի և ի հերուն հետէ տայր Քրիստոս զհարկն: Երես 135. Ծան. 4:

Երևի՛ թէ Հեղինակն զայս ծանօթութիւն տալով՝ չէ՛ վերահասու Յիսուսի վերկշին մերոյ էական ազատութեան և ճշմարիտ քահանայապետութեան. մանաւանդ թէ չէ՛ իսկ համոզեալ յաւետարանական բանից Յիսուսի, որ ո՞չ միայն ինքն է տիրապէս ազատութիւն, այլ և ազատիչ հաւատացելոց. ըստ այնմ, «Եւ ասէր Յիսուս առ Հրէայն հաւատացեալս. Եթէ դուք կացջիք 'ի բանի իմում՝ ճշմարիտ աշակերտք իմ էք և ծանիջիք զճշմարտութիւն, և ճշմարտութիւնն ազատեցէ զձեզ: ... Եւ ծառայն ո՞չ յաւիտեան կայ 'ի տան, իսկ որդին յաւիտեան կայ: Իսկ արդ՝ եթէ որդին զձեզ ազատեցուցէ, ճշմարիտ ազատք լինիջիք» . Յովհ. Ը. 31. 35. 36:

Եւս և ո՞չ էնկատեալ զԱրքազան առաքելոյն Պողոսի վկայութիւն, որ հաստատէ զճշմարիտ քահանայապետութիւն Քրիստոսի գրեղով առ Եւրայեցիան. «Եւ ո՞չ եթէ որք՝ անձամբ առնու զպատիւ, այլ կոչեցեալն յԱստուծոյ, որպէս և Ահարոն: Նոյնպէս և Քրիստոս ո՞չ եթէ անձին շուք եղ լինել քահանայապետ, այլ որ խօսեցաւն առ նա. թէ որդի եմ ես դու և ես այսօր ծեայ զքեզ, որպէս և 'ի միւսումն ասէր, դու ես քահանայ յաւիտեան ըստ կարգին Մելքիսեղի» . Եբր. Բ. 4: Անշրջանկատ զատութիւն Հեղինակին, տե՛ս, յո՞ր զառանցանս առեալ ձգէ զնա:

«Ո՞չ երբէք արժան է, ասէ բարոյական առաճն իմաստասիրաց, վստահիլ 'ի դատարտան իւրոյին մտաց, ևս առաւել յորժամ քո բանդ կամ ճշմարտութիւն բուն դատին ընդ խնդ»

րով անկանիցի: Ա՛չ որ է այնչափ կորովամիտ կամ պայծառ և
անաղօտ ՚ի դատման, մինչև չ'կարէր սխալել: Կաւ ևս տեսա-
նեն աչք քան զակն: Եւ ո՛չ իսկ ՚ի գիտնաւորութենէ և ՚ի
հանձարոյ օրէն է միշտ առնուլ զհամարձակութիւն. սպա-
քէն և պարտիպանն խօսի երբևին բան արժանաւոր». Տար-
առած. 451:

ԲԱՆ ՎԵՑԵՐՈՐԴ.

Ողջամիտ մեկնիչք կամ բացատրողք Քրիստոսի սրբոյ ա-
ւետարանին կարի զգուշացեալ են նախ զնկարագրականն նկա-
տել, և սպա ըստ պահանջման բանիցն տալ զխորհրդական
կամ զբարոյական և կամ զայլաբանական մեկնութիւնս:

Գրեալ է ՚ի սուրբ աւետարանի անդ. «Յայնմ աւուր մա-
տեան աշակերտքն առ Յիսուս և ասեն. ո՞վ իցէ ՚ի մէջ մեծ
յարքայութեան երկնից: Եւ կոչեաց Յիսուս առ ինքն զմա-
նուկ մի, կացոյց զնա ՚ի մէջ նոցա: Եւ ասէ, ամէն ամէն ա-
սեմ ձեզ. եթէ ո՛չ դարձջիք և եղ'ջիք իբրև զմանկափ, ոչ կա-
րէք մտանել յարքայութիւն երկնից: Արդ՞ որ խոնահեցու-
ցանէ զանձն իբրև զմանուկս զայս, նա է մեծ յարքայութեան
երկնից». Մատթ. ԺԸ. 1-5: Մարկ. Թ. 33. 34: Ղուկ. Թ.
46. 47: Այս բանք ունին միայն նկարագրական և բարոյական
մեկնութիւնս և բացայայտ ծանօթութիւնս, որպէս սպա-
ցուցանեն սրբազան մեկնիչք:

Գրէ երանելի Յովհան Մործորեցի. «Ա՛չ բանիւ միայն կամի
զգաստացուցանել, այս և օրինակաւն թախանձեցուցանել. դուք,
ասէ, զայն քննէք, թէ ո՞վ մեծ իցէ, և վասն գահերեցու-
թեանն հակառակիք: Բայց ես զճշմարիտն ասեմ ձեզ, թէ ո՛չ
քան զամենեսեան խոնարհագոյն լինիջիք, և ո՛չ զղրունս ար-
քայութեան արժանի լինիք տեսանել: Եւ յիրաւի զմանուկն

՚ի մէջ կացուցանէ, զի ՚ի տեսլենէ երեսացն պատկառեցուցանէ և առ բնութեանն ուղղութիւն ածէ, և զեկամուտ չարութիւն արտաքս հանէ, և զհաւասարութիւն սիրել առ ամենեւեան, մինչև առ նուազոս, զի այնպիսի են մանկունք, և ցուցանէ թէ և յօժարութեամբ զայս առնել կարողութիւն է: Բայց մի ոք տարակուսեացի, թէ որ ծերն իցէ՝ զի ա՞րդ դարձցի և իբրև զմանուկ լինիցի, որպէս Նիկողիմոս կարծեաց. այլ զի զվարս և զբարս մանկանն զգենուցու՝ թէպէտ կատարեալ այր իցէ, որ է կրկին առաքինութիւն զայնպիսի վարս ունել, և չհարտանալ. քանզի մանուկն խոնարհ է և անմեղ, ՚ի նախանձուէ սուրբ. ՚ի ցանկութեանց ազատ, միամիտ և պարզաբարոյ, զի թէպէտ թշնամանիցի՝ ո՛չ տրտմի, և եթէ մեծարիցի՝ ո՛չ վիքանայ: Արդ՝ որ այսպէս յամենայն արատոյ ազատ լինիցին՝ յիրաւի զարքայութիւն երկնից ժառանգեն . . . : Զանազանութիւն գնէ խոնարհութեան և խոնարհեցուցչութեան. քանզի ո՛չ մի և նոյն խոնարհ լինիլ և կամ յայլմէ խոնարհիլ, քանզի՝ որ զինքն խոնարհեցուցանէ, կամաւորութեամբ է այնպիսին, ասէ, բարձրացի, և մեծ կոչեացի. իսկ որ յայլմէ խոնարհի և տառապի կամ ՚ի նախատանաց ուրուք, այսօքիկ ո՛չ խոնարհութիւն, այլ ՚ի հարկէ հնազանդութիւնք. իսկ Տէրն զյօժարութեամբ ն պահանջէ, որպէս ինքն կամաւորութեամբ խոնարհեցաւ. վասն որոյ ասէր թէ փոքրիկն մեծ է յարքայութեան երկնից: ՚ի Մեկն. Մատթ. ԺԸ. 1:

Յայս միտս զրէ և Բարսեղ ճոն. «Ըստ որում, ասէ, եթէ ո՛չ դարձջիք և լինիջիք իբր զմանկտի, ո՛չ մտանիցէք յարքայութիւն երկնից. և յիրաւի իսկ զմանուկն ՚ի մէջ կացուցանէ, և յորդորէ լինել այսպիսի սուրբ և անմեղ, զի ՚ի նախանձուէ սուրբ է մանուկն և ՚ի փառասիրութենէ . . . թէպէտ և թշնամանիցես և թէ պատուեսցես և մեծարեսցես՝ ո՛չ տրտմի ընդ նմին և ո՛չ ընդ միւսն հարտանայ: Եւ վասն այսորիկ ասեալ մանուկ մի կացոյց ՚ի մէջ նոցա, զի զօրինակ զամենայն

վարդապետութիւնս իւր հակառակ մարդկային խորհրդոց արար, զի ասաց որք լան և ծիծաղեսցին, և որք սգան՝ մխիթարեսցին. և որ կորուսանէ, զանձն իւր վասն իմ, գտցէ զնա: Նոյնպէս և աստ ընդդէմ կարծեաց առաքելոյն, զի նորա համարէին թէ մեծամեծք լինելոց էին մեծ. ետ պատասխանի, եթէ փոքունքն ոչ կամին». 'ի Մեկն. Մարկ:

Սոյնպէս և երջանիկ սուրբ վարդապետն մեր Իզնատիոս գրէ 'ի մեկնութեան Ղուկասու Ժ. 46. 'Ի նմին ժամու սկսան խորհիլ աշակերտքն թէ ով 'ի նոցանէ, ունի զառաջին պատիւն, այլ Տէրն ուսուցանէ զնոսա զվերջինն ընտրել տեղի խոնարհութեան, զի այն է պատճառ ստոյգ բարձրութեան: Անմեղ լինել յամենայն չարեաց, ի՛րև զտղայ, որ ոչ է ընդունակ չարեաց, զի այնպէս ունիցին զնա յինքեանս բնակեցուցանել և զՀայր 'նորա»:

Բանք Յիսուսի Քրիստոսի և աշակերտաց նորին հային վասն արքայութեան երկնից, և ոչ վասն թագաւորութեան եր'րի: Եւ խորհուրդ մտաց աշակերտաց էր այս, եթէ ով որ ունիցի 'ի միջի նոցա զկոչումն և զհամարումն մեծութեան յաւիտեանական փառաց երկնից արքայութեան: Բայց դու տես աստուծոյր զճանօթութիւն Հեղինակին. Կարծէին աշակերտքն, ասէ, եթէ յիտ յարութեանն իւրոյ կանգնեսցի, զթագաւորութիւնն Իսրայէլի, նմին իրի եւ անդասին բարձրնաիրք լինէին: Երես 137. ծան. Ի

Եւ յոր հիմունս հաստատեալ է այսպիսի անտեղի ստեղծաբանութիւն, որ ոչ երբէք կարէ գտանել տեղի ոչ 'ի բանս սրբազան աւետարանչաց և ոչ 'ի բանս սուրբ առաքելոց և հոգեշնորհ մեկնչաց: Քանզի Յովհանն Ասկերերան 'ի վերայ այսր բանի սրբազան առաքելոյն Պողոսի թէ՛ «Հաւատովք զնամք և ոչ կարծեօք». Բ. Կորնթ. Ե. 7, «Պարզմտութեամբ և հաւատով զնացին, ասէ, զհետ Յիսուսի աշակերտքն և ունկնդիր լինէին երկիւղածութեամբ աւետարանական երանաւէտ վարդապետութեան Յիսուսի»:

Ապա զգուշանալ արժան է և յայսմ հերքելի բանից, որք շփոթեն զմիտս մեր, և հետևիլ միշտ լուսաւոր բանիցն աւետարանական ճշմարտութեան և առաքելական անհերքելի աւանդութեանց և սրբազան Հարց հոգեբուղիս վարդապետութեանց:

Բ Ա Ն Ե Օ Թ Ն Ե Ր Ո Ր Դ

Յիսուս Քրիստոս 'ի հրաշալի մարդեղութեան իւրում ո՛չ միայն տնօրինեաց զսքանչելահրաշ փրկութիւն ազգի մարդկան 'ի յաւիտենական դատապարտութենէ սկզբնական մեղաց, այլ և կամեցաւ ձրիապարզ և շնորհիւ իւրով հաղորդակից առնել զմեզ իւր Աստուածային սքանչելի լուսոյն, որով և մեք լուսազարդեալ 'ի հոգի, արժանացաք անուանիլ որդիք լուսոյ ուստի և աւետարանեաց յայտնի Աստուածային բանիւն իւրով. «Մինչդեռ զլոյսն ընդ ձեզ ունիք՝ հաւատացէք 'ի լոյսն, զի որդիք լուսոյ եղիջիք». Ա. Յովհ. ԺԲ. 36:

Յայս միտս գրէ առաքեալն Յովհաննէս. «Եւ այս են աւետիքն՝ զոր լուսք առ 'ի նմանէ և պատմեմք ձեզ, զի Աստուած լոյս է և խաւար 'ի նմա չիք և ո՛չ մի. եթէ ասիցեմք եթէ հաղորդութիւն ունիմք ընդ նմա, և 'ի խաւարի շքեցիմք, ստեմք և ո՛չ առնեմք զճշմարտութիւն». Ա. Յովհ. Ա. 5. 6:

'Ի բացատրութիւն այսր հոգեբուղիս բանից Երանելոյն Յովհաննու Շնորհալի սուրբ վարդապետն մեր Սարգիս ասէ. «Լոյս ասէ զգործս լուսոյ և իբրև ճանապարհ իմն ցուցանէ զմասունս առաքինութեանցն, վասն զի գնացք են յառաքինութենէ յառաքինութիւնս, որպէս Գաւիթ ասէ: Եւ արդ՝ որպիսի ինչ են գնացք լուսոյ, այն է զոր Տ՛րն ասաց. Գնացէք մինչդեռ զլոյսն ընդ ձեզ ունիք, զի մի՛ խաւար ձեզ հասցէ...: Ո՛րպիսի ինչ հաղորդութիւն իցէ, որպէս նա ճշմարտութեամբն իւրով հաղորդէ ճշմարտին Հօր. Եւ մեք մերով ճշմարտութեամբս

հաղորդ գտանիցիմք նորա ճշմարտութեան: Եւ որպէս նա 'ի
Հօրէն լուսոյ՝ լոյս, նմանապէս և մեք 'ի նմանէ՝ լոյսք, և զոր
օրինակ նորայն որ ինչ ըստ բնութեան ունի, 'ի Հօրէ է, սոյն-
պէս և մերն ամենայն 'ի նմանէ է» . 'ի Մեկն. Ա. Յովհ. Ա.:

Չայս քարոզէ և Սրբազան առաքեալն Պօղոս առ Թեսաղո-
նիկեցիս. «Այլ դուք ե՛ղբարք, ո՛չ էք 'ի խաւարի, թէ օրն ձեր
իրբև զգող 'ի վերայ հասանիցէ. զի ամենեքին դուք որդիք լու-
սոյ էք, և որդիք տունջեան, չեմք զիշերոյ. չեմք խաւարի» .
Ա. Թես. Ե. 4. 5:

Քաջայայտ է յաւետարանական և յառաքելական վկա-
յութեանց, զի ամենայն ուղղափառ քրիստոնեայք ունին զլոյս
քրիստոնէական կոչման և անձառելի լուսով աւետարանին պայ-
ծառացեալք են, և հոգևոր ծննդեամբ սրբարար խորհրդոյն
մկրտութեան և շնորհազրոշմ՝ կնքով սուրբ Հոգւոյն Աստուծոյ
վիճակեալ գտանին 'ի ժառանգական որդէգրութիւն Հօրն երկ-
նաւորի, որ է լոյս անեղական, և անուանին որդիք տունջեան
և որդիք լուսոյ: Իսկ հեռացեալքն 'ի լուսոյ աւետարանական
ճշմարտութեան և 'ի լուսոյ քրիստոնէական շնորհաց, և զըր-
կեալքն յորդէգրութէնէ Հօրն Աստուծոյ մոլորամիտ անհա-
ւատքն և կամակոր խաւարասէրքն՝ որդիք աշխարհի անուա-
նին. վասն որոյ Տէրն մեր ասաց զառակ Տնտեսին. «Որդիք
աշխարհիս այսորիկ իմաստնագոյն են քան զորդիս լուսոյ յազգս
իւրեանց» . Ղուկ. ԺԶ. 8:

Տե՛ս դու այժմ, զի՞նչ սոյ ծանօթութիւն 'ի վերայ բա-
նիս այսորիկ Հեղինակն ամենայնիւ հակառակ աւետարանական
և առաքելական ճշմարտութեան, գրելով այսպէս. Որդիս լուսոյ
զհրէայսն ասէ, սողաանելով զնոսա, զի ո՛չ զգուշանան յողէտիցն որ պատրաս-
տեալ են նոցա. իսկ որդիս աշխարհի գայնտսիկ անուանէ, որ բոլորովմբ գա-
ռածեալք իցին ի հոդս մարմնաւոր պիտոյից. Երես 192. ծանօթ. 2:

Եթէ անուանէր Հեղինակն զհրեշտակս որդիս լուսոյ, ըստ
որում են հոգեղէն և պարզ էակ, ո՛չ այնքան սխալէր 'ի բա-

ցատրութեան անդ, մանաւանդ զի ունէր հեռելի Ներսիսի
 Շնորհալուոյն որ 'ի շարահնոցին գրէ. «Որ 'ի լուսոյ լոյսներ-
 գործեալ զիմանալեաց գոյական: 'ի Կանոնն Հրեշտակապետաց:
 Ուստի երևի՛ զի չէ ընթերցեալ սորա զմեկնութիւն Ղուկա-
 սու զարարեալն սուրբ վարդապետին մերոյ Իգնատիոսի, որ 'ի
 Մեկնութեան այնր բանի գրէ. ԺԶ. 8. «Արդ որդիս լուսոյ
 անուանէ զհրեշտակս վասն պարզ և անախտ բնութեանց նոցա»:

Ուրեմն՝ ողջամիտ հաւատով աստանօր պարտ է մեզ ու-
 շաղիւր լինել հողեշահ և բարոյական խրատուց Սրբազան ա-
 ռաքելոյն Պօղոսի առ Տիմոթէոս աշակերտն իւր. «Զգո՛յշ
 լինիջիր անձին և վարդապետութեանդ և 'ի դմին յամեսջի՛ր,
 զայդ եթէ առնիցես և զանձն սպրեցուսցես և զայնոսիկ՝ որք
 քեզն լսիցեն»։ Ա. Տիմ. Դ. 16 :

Բ Ա Ն Ո Ի Թ Ե Ր Ո Ր Դ :

Փրկիչն մեր՝ զոր ինչ Աստուածային բանիւն վարդապե-
 տէր 'ի փրկութիւն հողւոց մերոց և 'ի ժառանգութիւն յաւի-
 տենական փառաց երկնից արքայութեան, զնոյն և գործով իւ-
 րով յինքեան ցուցանէր: Ուստի և սրբազան աւետարանիչն Ղու-
 կաս 'ի սկիզբն բանի գործոց առաքելոց գրէ. «Զբանն առա-
 ջին զոր արարի վասն ամենայնի ո՛ր թէոսիիլէ, զոր սկսաւ Յի-
 սուս առնել և ուսուցանել»: Ա. 1 :

Տէս. նախ բանիւ աւետարանեաց զերանաւէտ և զբարձ-
 րաշնորհ առաքինութիւն հեղութեան և խոնարհութեան,
 ըստ այնմ՝ «Երանի՛ հեզոց, զի նոքա ժառանգեսցեն զեր-
 կիր»։ Մատթ. Ե. 5, և ապա զնոյն սքանչելի հեղութիւն և
 խոնարհութիւն յինքեան յարացոյց տալով ասէ. «Ուսարո՛ւք
 յինէն, զի հեզ եմ և խոնարհ սրտիւ»։ Անդ. ԺԱ. 29 :

Մոյնպէս նախ վարդապետէ աշակերտացն զխոնարհութիւն
հրամայելով. «Որ կամիցի 'ի ձէնջ մեծ լինիլ, եղիցի ձեզ պաշ-
տօնեայ, և որ կամիցի 'ի ձէնջ ամենեցուն առաջին լինիլ, ե-
ղիցի ամենեցուն ծառայ. և ապա զիւր փրկարար խոնար-
հո թեան յայտնէ զտեսութիւն յասելն. «Քանզի և որդի մար-
դոյ ոչ եկն առնուլ պաշտօն, այլ պաշտել և տալ զանձն իւր
փրկանս փոխանակ բազմաց». Մարկ. ծ. 45:

Ըստ այնմ օրինակի և յորժամ դասք առաքելոց խորհէին
հակառակ խոնարհութեան ի թէ ո՞ 'ի միջի իւրեանց համա-
րեցի մեծ, Յիսուս նախ՝ բանիւ վարդապետեաց նոցա հրա-
մայելով. «Որ մեծն է 'ի ձեզ՝ եղիցի իբրև զկրտսերն՝ և առաջ-
նորէն իբրև զսպասաւոր: Ո՞վ է մեծ, բազմեայն թէ սպասաւորն,
ոչ ապաքէն բազմեայն, բայց ես եմ 'ի միջի ձերում իբրև
սպասաւոր». Ղուկ. ԻԲ. 24—27:

Ապաքէն զայս սքանչելի խոնարհութեան կատարելութիւն
հանդիսացոյց Տէրն մեր 'ի վերնատան անդ յեա խորհրդական
ընթրեացն, ուր իբրև զսպասաւոր ծայրագոյն խոնարհու-
թեամբ և անասհման հեղութեամբ սկսաւ լուանալ գոտս ա-
շակերտացն, որով օրինակ գերօրինակ եցոյց յինքեան 'ի կրթ-
թութիւն կատարեալ հեղութեան և խոնարհութեան մերոյ՝
վասն որոյ Ներսէս Շնորհալի սուրբ Հայրապետն մեր յերդս
շարականի հրաշալի իմն աստուածաբանէ ասելով. «Գասուց
իւրոց աշակերտաց՝ զոր նախ բանիւ վարդապետեաց. այսօր
գործով զԾայրագոյն եցոյց յինքեան զխոնարհութիւն. սպա-
սաւորեալ հողեղինաց, այն որ անտեսն էր հրեղինաց. տարեալ
պաշտօն իւր ծառայից այն որ պաշտին 'ի սրովբէից: Եթէ
տէրս ասէ էից և վարդապետս բոյորից, զաշակերտացդ և զծա-
ռայից զոտս լուացի 'ի հնոյ ազտից, միմեանց և դուք հաւա-
բնութեամբ՝ ցուցէք զնոյն խոնարհութիւն, բարձրացելոյն 'ի
կործանումն և անկելոյ բնութեանդ կանգնումն :

Ոչ յայտնէ Շնորհալին, եթէ գործոյ յաշակերտաց անախ

նախ լուաց զոտս, վասն զի գիտէր, զի երանելի սուրբ Հայ-
 բապետն Ռսկեբերան գրեալ է զայսմանէ յաղօթամատոյց ճառի
 իւրում՝ 'ի խորհուրդ ոտնալուայի յաւուր մեծի հինգ շա-
 բաթի. «Յերեկոյ հասեալ ժամու աւուրն երկոտասանիցն, խո-
 նարհութիւն ուսուցանելով՝ զՅուդային յառաջ լուանայր
 զոտս, որ աշխատեցաւ մինչև ցգաւիթ քահանայապետին, որ
 և 'ի միտս իւր տակը. բիւր անգամ մեծարիցես զիս, ոչ եմ մո-
 ռանալոյ զերեսուն արծաթան». Յաղօթս Յովհ. Ռսկեբ. ասա-
 ցեալ վասն ժողովրդեան և քահանայից:

Ռսկեբերան զայս բան գրելով՝ յայանի ցուցանէ ըստ ա-
 ւետարանչին Յովհաննու թէ՛ ոչ 'ի Պետրոսէ սկսեալ է զլուա-
 ցումն ոտից, այլ յանարգ աշակերտէն, այս է՝ 'ի Յուդայէ Իս-
 կարիտալտացւոյ, 'ի դարձ և 'ի զգուշութիւն յարծաթ-
 սիրութեանն խորհրդոց: Քանզի ըստ աւետարանչին. «Յառ-
 նէ յընթրեաց անտի, և դնէ զհանդերձսն, առեալ զղենջակ մի
 սփածաւ: Եւ ապա առեալ ջուր արկ 'ի կոնք և սկսաւ լուա-
 նալ զոտս աշակերտացն, և սրբէր զենձակաւն զոր սփածեալ
 էր: Գայ առ Սիմոն Պետրոս, և նա ասէ Տէր՝ դու զիմ զոտս
 լուանա, պատասխանի ետ նմա Յիսուս և ասէ, զոր ես գոր-
 ծեմ, դու այժմ ոչ գիտես, բայց ապա գիտասջիր». Յովհ. ԺԳ.
 4—7:

Ապա ուրեմն Հեղինակն իբրև նպատակնքեան առեալ
 զկարծիքական բան Օգոստինոսի՝ անհամաձայն գրութեան ա-
 ւետարանին Յովհաննու գրէ. Ռմանց այնպէս թուեցաւ թէ նախ զայ-
 լոց առաքելոցն՝ մանաւանդ թէ զՅուդայի ոտն լուաց Քրիստոս, և ապա առ
 Պետրոս եկն. բայց հաւանելիք եւս են կարծիք Աստուածայնոյն Օգոստինեայ՝
 որ ի Պետրոսէ համարի սկիզբն արարեալ Տեանն լուացմանն, զի նա զլուի էր
 այլոցն, և նմա պարտ էր՝ ասէ՝ առաջին լինել ի տալ հաւատացելոց զօրինակ
 խնայրճութեան և զսիրոյ: Երես 258. ծան. 3:

Աստանօր երևի, թէ Հեղինակն ոչ ուշադիր եղեալ է սուրբ
 աւետարանին, և ոչ իսկ ընթերցեալ զվերոյիշեալ ճառն սրբոյն
 Յովհաննու Ռսկեբերանի և զմեկնութիւն Յովհաննու աւետա-

բանչին զարարեալն 'ի Նանայ վարդապետէն Ասորւոյ, որ գրէ.
 «Գայ առ Սիմնն Պետրոս, և նա ասէ ցնա Տէ՛ր, դու զիմ՝ զո՞տս
 լուանաս, [Թուի մեզ նախ զՅուդային լուանալ. և ապա կար-
 գաւ իմն գայ առ նա. զի այն խոնարհութեան էր օրինակ՝ մե-
 ծագունին մի՛ խանդալ ընդ փոքրագունին պատիւ. իսկ անելն
 պետրոսի, Տէ՛ր, դու զիմ՝ զո՞տս լուանաս այսինքն [Թէ՛ դու
 որ զըորոտս սրբեցեր, և զկոյրս լուսաւորեցեր, և զմեռեալս յա-
 բուցեր, և զայլ ևս անթիւ նշանագործութիւնան, դու զիմ՝
 զոտս լուանաս»:

Յայս միտս գրէ և Ստեփաննոս վարդապետն Ազոնց 'ի տե-
 սութեան նոր կտակարանին յաղագս լուանալոյ Յիսուսի զոտան
 Յուդայի. «Պարտ էր, ասէ, անօրինին յառաջ քան զտալ զոտս
 'ի լուացումն, բանալ զսիրտն զղջմամբ, բայց ո՛չ արար. ընկա-
 լաւ հաւասարապէս ըստ այլոց զպատիւ խոնարհ սպասաւո-
 րութեան Տեառն մերոյ, և ո՛չ մեղմացաւ 'ի չարեացն, ետես
 առ ոտս իւր զերկնաւոր վարդապետն պատրաստ 'ի լուանալ
 զնա յաղտեղութէնէ հոգւոյ, ետ զաղտեղի ոտնն յայն Աս-
 տուածային ձեռս, յորմէ տեսեալ էր պարզելիլ կուրաց տե-
 սութիւն, հիւանդաց առողջութիւն, մեղաւորաց արձակումն
 'ի մեղաց, այսահարաց աղատումն յայտոց չարաց. այլ մատ-
 նիչն յամառեալ 'ի տայն զոտան՝ ո՛չ ետ զսիրտն, ո՛չ կամեցաւ
 ո՛չ լոյս մտաց, ո՛չ սրբութիւն հոգւոց, այլ գնաց ամենայնիւ
 զհեա [Թելադրութեան այսոյն իւրոյ չարի»:

Բ Ա Ն Ի Ն Ն Ե Ր Ո Ր Դ :

Հաւատամք 'ի յարութիւն մեռելոց՝ արդարոց և մեղա-
 ւորաց և 'ի յանդիման լինիլ ամենեցուն առաջի ահեղ ատե-
 նին Յիսուսի Քրիստոսի. ըստ այնմ. «Այլ արդ՝ Յիսուս Քրիս-
 տոս յարուցեալ է 'ի մեռելոց՝ առաջին պատուղ ննջեցելոց,

քանզի մարդով եղև մահ. . . որպէս Ադամաւն ամենեքին՝ մեռանին՝ նոյնպէս Քրիստոսին ամենեքեան կենդանացին, իւրաքանչիւր յիւրում կարգի»։ Ա. կորն. ժե. 20. 23։

«Քանզի ամենեցուն մեզ յանդիման լինիլ կայ առաջի ատենին Քրիստոսի, զի ընկալցի իւրաքանչիւր իւրով [մարմնով. զոր ինչ գործեաց յառաջն, եթէ բարի և եթէ չար»։ Ք կորնթ. Ե. 10։

Յարութիւն մեռելոց արդեօք զօրութեամբ որո՞յ ունի կատարիլ, և որո՞յ հրամանի ներգործութեամբ լինի : Սեք հաւատամք եթէ Յիսուսի Քրիստոսի փրկչին մերոյ հրամանաւն, որ ինքնին աւետարանեաց մեզ. «Ձի որպէս Հայր ունի կեանս յանձին իւրում, նոյնպէս ետ և Արդւոյ ունիլ կեանս անձին իւրում. և իշխանութիւն ետ նմա դատաստան առնել, և զի Արդի մարդոյ է՝ ընդ այն զի՞ զարմանայք, զի եկեսցէ ժամանակ՝ յորում ամենեքին, որք ՚ի գերեզմանս կայցեն, լուիցեն ձայնի նորա և եկեսցեն արտաքս, որոց զբարիս գործեալ իցէ՝ ՚ի յարութիւն կենաց, և որոց զչար արարեալ իցէ՝ ՚ի յարութիւն դատաստանաց»։ Յոհվ. Ե. 26—29։

Չայս աներկբայելի և ամենակարող զօրութեան իւրոյ օրինակ հրաշափառապէս եցոյց մասնաւոր իմն ներգործութեամբ ի յարութեանն Ղազարու. որպէս և գրեալ է. «՚ի ձայն մեծ աղաղակեաց և ասէ Ղազարէ, արի՛ եկ արտաքս»։ Անդ. ժԱ. 43։

Եցոյց ՚ի նշան ընդհանուր յարութեան մեռելոց և ՚ի Գողգոթայ ՚ի վերայ փրկարար խաչին իւրոյ. «Եւ Յիսուս դարձեալ աղաղակեաց ՚ի ձայն մեծ և արձակեաց զոգին։ Եւ ահա վարազոյր տաճարին ցելաւ յերկուս ՚ի վերուստ մինչև ՚ի վայր, և երկիր շարժեցաւ, և վէճք պատահեցան։ Եւ գերեզմանք բացան, և բազում մարմինք ննջեցելոց սրբոց յարեան»։ Մատթ. ԻԷ. 50—52։

Եթէ ՚ի մահուն անմահ արարչին մերոյ և փրկչին Յիսուսի գերեզմանք բացան, և բազում մարմինք սրբոց յարեան՝ մինչ էր նա ՚ի խաչին, ապա զի՞արդ հակառակ աւետարանական ճշշ-

մարտո, թեան ծանօթութիւն տայ Հեղինակն գրելով այսպէս :
Բանալ՝ գերեզմանաց արդարոյն եւ յառնել նոցա եղև յաւար երբորդի, այլ ա-
ւետար Նիչն դամնայն սքանչելիսն կանխէ ի մի վայր ածել : Երես 301. ծան :

Արժան էր Հեղինակին հետեւել հողերուղև վարդապետու-
թեանց Հայրապետին մերոյ Ներսիսի Շնորհալուոյ, որ գրէ :

«Որ ահագին գոչման ձայնին,
Բարբառելով զէլի էլին,
Հիմունք երկրի տատանէին,
Լերինք բարձունք սասանէին :
Եւ վարագոյր հին օրինին
Վերուստ 'ի վայր պատառէին,
Եւ գերեզմանք բանային,
Մարմինք Սրբոցն յառնէին :
Արեգական լոյս քողարկեալ
Խաւարանայր միջօրէին,
Նաև լուսինն օրինակին
Փոփոխելով յարեան գունին :
Քանզի զՏէրն իւրեանց տեսին
Մերկ 'ի խաչին չհանդուրժէին,
Որ փոխանակ բանականին
Անբան տարերքն սարսէին :
'ի Յիսուս Որդի :

Եւ Սուրբ երանելի վարդապետն մեր Յովհան Տործորեցի
գրէ 'ի մեկնութեան աւետարանին Մատթէոսի 'ի նշան հաստա-
տուն յարութեան և 'ի հաւատարմութիւն հանդերձելոյ հա-
սարակաց նորոգութեան. ըստ այնմ, « Բացից զգերեզմանս ձեր, և
հանից զձեզ 'ի գերեզմանաց ձերոց ժողովուրդ իմ, բայց ոչ ա-
մենեքեան, այլ միայն մարմինք սրբոցն, որք նախ քան զգալուս-
տըն նորա խորհրդով նորին մաքրեալ արդարացան, որոց բաղ-
ձանքն յաւետարանն պատմի թէ, բազումք արգարք ցանկա-

ցան տեսանել . . . վասն էր արդեօք յետ յարութեան նորա մտին
յԵրուսաղէմ, և ոչ առ ժամայն, քանզի պարտ էր նախ անդ-
րանկին 'ի մեռելոց բազմաց երևել, և ապա այլոցն՝ որ եղին
կերպարանակից մահու և յարութեան նորա: Ըստ այնմ և
Սուրբն Աթանաս գրէ. «Զի եթէ 'ի խաչին գոլով զյառաջագոյն
սրբոց մարմինս մեռեալս յարոյց, որչափ ևս առաւել կարող էր
յարուցանել, զոր զգեցաւ մարմին» 'ի Թուղթն առ Անտիոքոս :

Ապա ուրեմն Հեղինակն եթէ ոչ կարէր հաստատել զճա-
նօթութիւնս իւր, կարող էր ըստ ողջամիտ աւետարտնական
վարդապետութեան սրբոց Հարցն ասել, թէ յարուցեալք
միանգամայն ոչ մտին յԵրուսաղէմ, այլ զկնի ինքնազօր յա-
րութեան Յիսուսի Քրիստոսի. որպէս Լուսաւորիչ Հայրն մեր
Սուրբն Քրիզոստոմ գրէ. «Տեսեալ զսքանչելիսն նոյնպէս և պահա-
պանայն և որտաբեկ ոգեսպառ 'ի քաղաքն անկեալ, պատմելով
քահանայիցն և աշակերտելոցն եղելոց, մանաւանդ ամբոխելոցն
նեղելոց և գրդուելոցն 'ի քաղաքն երևելով բազմաց, որով եկեալ
'ի վախճան և խոստացեալ բան մարգարէին, թէ բացից զգե-
րեզմանս ձեր, ասէ՛ Տէր և հանից զձեզ 'ի գերեզմանաց ձերոց,
դարձեալ Յսայի ասէ՛ յարիցին մեռեալք և կանգնեսցին որք ի-
ցին 'ի գերեզմանս, զի ցողո՞ որ 'ի քէն է բժշկութիւն է նո-
ցա, թերևս վասն կենդանարար Արեանն Քրիստոսի նշանա-
կեաց, որ 'ի վերայ խաչին հեղաւ զամենեքումք: Եւ զի
յայտ արասցէ՛ թէ անդ մարգարէացաւ զնոյնմք Աստուած
'ի դէմս աշակերտացն. զնա՛ ժողովուրդ իմ, մնա 'ի շտե-
մարանս քո, փակեա՛ զդրունս քո և թաղի՛ր առ ժամանակ մի,
իսկ կամակար ազգին խաչահանուացն իլացիլոցն, և կուրա-
ցելոցն 'ի ճշմարտութենէն ոչինչ գործեաց, ոչ պատմութիւն
կենդանեաց, և ոչ երևումն մեռելոցն, և ոչ ահաւորութիւն նը-
շանացն Աստուածայաղթ յարութեան: Քանզի վասն նոցա ա-
ռաքեաց զլինելոցն իրս, սակս մեծատանն թելադրեաց թէ Մով-
սէսի և թէ մարգարէիցն ոչ լուիցեն, և ապա թէ և 'ի մեռելոց ոք
երթայ առ նոսա ոչ լսեն: Ազատ. Տիպ Ա. պօլսայ. երես 171:

Բ Ա Ն Տ Ա Ս Ն Ե Ր Ո Ր Դ

'Ի Սուրբ աւետարանական բանից հաւաստեալ գիտեմք, զի Սրբազան առաքեալք նախ քան զյարու թիւն Փրկչին մերոյ և զընդունիլ յինքեանս զբաղմասպատիկ շնորհս զօրութեան Սուրբ Հոգւոյն՝ կալի երկչոտք էին, ուստի և Յիսուս յարիութիւն և ի քաջասրտութիւն քաջալերեալ յորդորէր զնոսա ասելով. «Ոչ է աշակերտ առաւել քան զվարդապետ, և ոչ ծառայ քան ըզՏէր իւր : Շատ իցէ աշակերտին՝ եթէ եղիլ ի իբրև զվարդապետ իւր, և ծառային՝ իբրև զՏէր իւր : Եթէ զտանուտէրն բեհեղ զէբուղ կոչեցին, ո՞րչափ ևս առաւել զընտանիս նորա : Մի՛ այսուհետև երկնչիցիք 'ի նոցանէ... որ սպանանն զմարմին և զոգի ոչ կարեն սպանանել» : Մատթ. Ժ. 24—28 :

«Եւ ասէ ցնոսա, ընդէ՞ր այդպէս վատասիրտք էք, չևևս ունիք հաւատս, և երկեան յերկիւղ մեծ» : Մարկ. Գ. 40 : Ղուկ. ԺԲ. 5. 6 :

Ոչ սպաքէն յայս երկիւղ պաշարեալ առաքելոցն 'ի մատնութեան ահեղ գիշերին թողին միայնակ զամենասիրելի վարդապետն իւրեանց 'ի մէջ չարաժողով ամբոխին և ինքեանք փախեան. ըստ այնմ, «Յայնժամ աշակերտքն ամենեքեան թողին զնա և փախեան» : Մատթ. ԻԶ. 56 : Մարկ. ԺԳ. 50 :

Այսու մարդկային երկիւղիւ զգածեալ առաքելոյն Պետրոսի երիցս անգամ նզովիւք և երդմամբ ուրացաւ զՏէրն 'ի գիշերի կամաւոր և փրկարար չարչարանացն. «Իսկ Պետրոս նըստէր արտաքոյ 'ի զաւթին. մատեաւ առ նա աղախին մի և ասէ, և դու ընդ Յիսուսի Գալիլիացւոյ էիր, նա ուրացաւ առաջի ամենեցուն և ասէ թէ ոչ գիտեմ զինչ խօսիսդ : Եւ իբրև ել նա արտաքս՝ քան զդուռնն՝ ետես զնա այլ կին մի, և ասէ ցայնոսիկ՝ որ անդն կային, և սա ընդ Յիսուսի Նազովրեցւոյ էր : Եւ դարձեալ ուրացաւ երդմամբ թէ ոչ գիտեմ

զայրն: Եւ յետ սակաւ միոյ մատուցեալ որք կայինն անդ, ասին ցՊետրոս. Արդարեւ՝ և դու 'ի նոցանէ ես. քանզի և խօսք քո յայտ առնեն զքեզ»։ Մատթ. ԻԶ. 69 — 73: Մարկ. ԺԹ. 68—70: Ղուկ. ԻԲ. 57: Յովհ. ԺԸ. 25:

Իսկ զկնի հրաշափառ յարութեան Փրկչին մերոյ՝ մինչ 'ի վերնատան անդ դրօքն փակելովք ժողովեալ էին աշակերտքն առ ասին հրէից, եկն Յիսուս և եկաց 'ի միջի նոցա և Աստուածային շնորհաբուղիս բերանովն փչելով 'ի նոսա ասաց. Առէք զՀոգին սուրբ. որպէս գրէ սրբազան աւետարանիչն Յովհաննէս. «Եւ էր երեկոյ 'ի միաշաբաթուոջ աւուրն, և դրովք փակելովք, ուր էին աշակերտքն ժողովեալ վասն ասին հրէից, եկն Յիսուս և եկաց 'ի միջի նոցա և ասէ ցնոսա, ողջոյն ընդ ձեզ: Իբրև զայս ասաց. Եցոյց նոցա զձեռան զկողս իւր, և խնդացին աշակերտքն իբրև տեսին զՏէր: Ասէ ցնոսա դարձեալ ողջոյն ընդ ձեզ, որպէս առաքեաց զիս Հայր իմ, և ես առաքեմ զձեզ: Եւ զայս իբրև ասաց փչեաց 'ի նոսա, և ասէ առէք Հոգին սուրբ, եթէ ումեք թողուցուք զմեզս՝ թողեալ լիցի նոցա, եթէ զուրուք ունիցիք՝ կալեալ լիցի»։ Յովհ. Ի. 19 — 23 :

'Ի վերայ այսր շնորհալի փշմանն Յիսուսի Քրիստոսի 'ի դասս սրբազան առաքելոց խորհրդաւոր վարդապետութեամբ մեկնաբանելով գրէ երանելի վարդապետն Ասորւոց Նանայ 'ի մեկնութեան աւետարանին Յովհաննու. «Վասն այսորիկ փրչեաց 'ի նոսա, ցուցանելով նոցա, եթէ 'ի ձեռն անդր փշման զօրացեալ կարող լինիցիք կրել՝ յորոց այժմ անյուսացեալքդ էք վասն անձանց տկարութեան. այլ թէ ընդէր ոչ ասաց, ընկալարուք զՀ գի սուրբ, այլ նախ՝ փչեաց 'ի նոսա, ասլա ասէ առէք զՀոգի սուրբ, առ 'ի նշանակել նոցա թէ նոյն ինքն է. որ յԱդամ փչեաց և եդ 'ի նմա զՀոգի կենդանութեան, և որպէս նա 'ի հողոյ դեռ ևս ստեղծեալն էր անշարժ և անզորձ և անկենդան գոլով, 'ի ձեռն Աստուածային փշման»։

այնքան պատուականագոյն և բարձրագոյն ամենայն արարածոց եղև, որպէս Մովսիսականն պատմեն զիւրք, այսպէս և դուք 'ի ձեռն Աստուածային փշմանս նորոգեալք լինելոց էք հզօրագոյն և կարողք յամենայնի, որպէս և ստացան իսկ զհետ այնմ զայնքան համբերութիւն և զժուժկալութիւն, այլ և զնախնի անմահութիւն և զանապատկանութիւնս:

Յայս ամենայն ողջամիտ հաւատոյ աչօք նկատեալ համարձակիմ ասել, եթէ Հեղինակն կարի սխալեալ գրելով այսպէս. նշանակ էր փշումն այն առաքման Հոգոյն սրբոյ, որով ընու հանգերձեալ էին յառուրն Պենտեկոստէից: Երես. 314. Ման. 4:

Զայս ծանօթութիւն տալով յայտնի առնէ Հեղինակն, թէ ինքն անհամաձայն սուրբ աւետարանին և հակառակ սրբոց Հարց և Աստուածարան վարդապետաց խորհրդածեալ է: Նախ՝ զի սուրբ աւետարանն յայտնէ թէ Յիսուս Քրիստոս Աստուածային փշմամբ յառաքեալն՝ ետ նոցա իշխանութիւն կապելոյ և արձակելոյ. «Փշեաց 'ի նոսա և ասէ առ էք Հոգին սուրբ, եթէ ումեք թողուցուք զմեզս՝ թողեալ լիցի նոցա, եթէ զուրուք ունիցիք՝ կալեալ լիցի»: Յովհ. Ի. 23:

Երկրորդ՝ զայն առաջին Աստուածային փշման սկզբնական արդարութեան և անմեղութեան զօրութիւն, զոր կորուսաք 'ի զրախտին ստունդաներով պատու իրանացն Աստուծոյ, վերստին պարզեեաց Յիսուս Աստուածային փշմամբ յառաքեալն. որպէս գրէ Ներսէս Շնորհալի սուրբ Հայրապետն յերգս Շարականի. «Որ յերկրորդի լինելութեանս յետ յարութեան քում էակցին մտեալ 'ի վերնատունն զրօքն փակելովք ըստ առաջին փշման զքեզ, մետասանիցն առաքելոցն ասաց առ էք Հոգի սուրբ»:

Եւ 'ի Յիսուս որդին հրաշալի Աստուածաբանութեամբ. «Յետ յարութեան յերկոյնին միաշարաթ կիւրակէին, ելևեջար մետասանին, փակեալ զրամբք 'ի գիշերին, և զփշումն առաջին, զոր կորուսաք մեք 'ի զրախտին, պարզեցեր դար-

ձեալ նոցին, նոքօք բնութեան ըստ մարդկային :

Երբորդ՝ փշելովն կենարարին մերոյ Յիսուսի յառաքեալսն՝ տպաւորեաց ՚ի Հոգիս նոցա զարբարար շնորհս Հոգւոյն սրբոյ յորդեգրութիւն Հօրն երկնաւորի, զորմէ գրէ սուրբն Գրիգոր Նարեկացի. «Քարեբանեմք միշտ և օրհնեմք ընդ Արուոյ և ընդ Հօր և զՀոգի էութեան նոցին, ամենազօր, ճշմարիտ, կատարեալ և սուրբ... բարի ինքնակալ ամենից, բաշխիչ զՀօրն պարզեալի գովեստ անուան փառաց միաճնին, որ ազդեաց յօրէնան, շքնչեաց ի մարդարէսն, փշմամբ ազգակցին տպաւորեցաւ յառաքեալսն» . Նար. ԼԳ :

Չայս հոգելից բան առեալէ Նարեկացին ՚ի Սրբազան առաքելոյն Պօղոսէ, որ բացայայտ գրէ. «Զի ոչ առիք զհոգի ծառայութեան միւսանգամ յերկիւղ. այլ առիք զՀոգին որդեգրութեան, որով ազաղակեմք արբայ Հայր :

— «Նոյն ինքն Հոգին վկայէ հոգւոյս մերում, եթէ եմք որդիք Աստուծոյ, և եթէ որդիք՝ ապա և ժառանգք՝ ժառանգք Աստուծոյ և ժառանգակից Քրիստոսի : Հռովմ. Ը. 15—17

Չորրորդ՝ Աստուածային փշմամբն իւրով յառաքեալսն և յասելն՝ Առէք Հոգի սուրբ, խրախուսեաց և արխացոյց զնոսա, ըստ ամենայնի բառնալով ՚ի սրտից նոցա զանտի երկիւղն մարդկային, ներգործեաց ՚ի նոսա զՀոգւոյն սրբոյ շնորհաց զօրութիւնս : Առ այս զօրացուցիչ շնորհս սուրբ Հոգւոյն՝ վստահամիտ յուսացեալ երանելի Սրբազան առաքեալն Պօղոս գրէ առ հաւատացեալս . «Նոյնպէս և Հոգին ՚ի թիկունս հասանէ տրկարութեան մերում, զի զոր կամքն յաղօթս, որպէս արժանիցէ ոչ գիտեմք : Այլ ինքնին Հոգին բարեխօս լինի ՚ի հեծութիւնս անմեռունչս» . Անդ . Ը . 26 :

Այսպէս այն Աստուածային փշումն Յիսուսի Քրիստոսի առ Սրբազան առաքեալս ունէր զանազան շնորհաց խորհուրդս՝ ուրեմն խորհրդական էր եւ ոչ նշանակ փշումն ըստ սխալական կարծեաց Հեղինակին :

Իսկ նշանակ Հոգւոյն սրբոյ գալստեան առ դասս Սրբազան
առաքելոցն էր իսկ և իսկ աներկրայելի խոստմունքն Յիսուսի՝
զոր աւետարանեաց աշակերտաց իւրոց. «Եթէ սիրէք զիս՝ ըզ-
պատուիրանս իմ պահեսջիք, և ես աղաչեցից զՀայր, և այլմը-
խիթարիչ տացէ ձեզ, զի ընդ ձեզ բնակեսցէ 'ի յաւիտեան, զՀո-
գին ճշմարտութեան, զոր աշխարհս ոչ կարէ ընդունիլ, զի ոչ
տեսանէ զնա, և ոչ ճանաչէ զնա, բայց դուք ճանաչէք զնա,
զի առ ձեզ բնակեսցէ և ընդ ձեզ եղիցի: Եւ թէ՛ «Այլ ես զճըշ-
մարիտն ասեմ ձեզ, լաւ է ձեզ եթէ ես երթամ, զի եթէ ես ոչ
երթայց, մխիթարիչն ոչ եկեսցէ առ ձեզ: Ապա եթէ երթամ,
առաքելից զնա առ ձեզ »: Յովհ. ԺԴ. 15 . 17: ԺԶ. 7 :

«Եւ ասա՛ ես առաքեմ զաւետիս Հօր իմոյ՝ ի ձեզ, և դուք
նստարո՛ք 'ի քաղաքիս յԵրուսաղէմ, մինչև զզկնուցուք զօ-
րութիւն 'ի բարձանց »: Ղուկ. ԻԴ. 49 :



Վ. ԵՐՋԱԲԱՆՈՒԹԻՒՆ

Քրիստոնէական ճշմարիտ կրօնք մեր իրաւամբ պարտաւորեն զմեզ աշարուրջ զգուշութեամբ գիտողութիւնս առնել 'ի վերայ ուղղափառ հաւատոյ, ուշի ուշով նկատել 'ի Սուրբ աւետարանն Յիսուսի Քրիստոսի փրկչին մերոյ ըստ հոգեբուղի քարոզութեան առաքելապատիւ հայրապետին մերոյ Արքայն Քրիզոստի Լուսաւորչի. «Պիտոյ է միշտ դաստիարակութիւն աւետարանին 'ի հրահանգել զմեզ 'ի լաւութեան կարգս, զի յանձանձեալք 'ի շնորհաց Սուրբ Հոգւոյն ճշմարտութեամբ, աճեսցուցուք զփաստակս արդարութեան, սուրբ սրտիւ և ուղղափառ հաւատով յԱստուած». Յաճախ . Բ ճառ :

Քանզի 'ի սուրբ աւետարանի անդ բացայայտ կարեւր տեսանել զսքանչելի զօրութիւնս և զմարդասիրական փրկագործ տնօրէնութիւնս կենարարին մերոյ Յիսուսի, անդանօր կարեւր տեսանել զԱստուածային անտահման շնորհաց լիութիւնս, և զկոչումն մեր յորդեգրութիւն Հօր Աստուծոյ և 'ի ժառանգութիւն երկնից արքայութեան երանաւէտ փառաց :

Եւ զկնի այսր ողջամիտ գիտողութեան պարտաւորիմք, նախ՝ մեծաւ ջերմեռանդութեամբ և երկիւղիւ ունկնդիր լինիլ և 'ի միտ առնուլ 'ի նմանէ զաւետարանական օրէնս և զհոգեկեցոյց պատուիրանս :

Եւ երկրորդ՝ ո՛չ միայն լսողք պարտիմք լինել օրինացն և պատուիրանաց, այլ և գործով կատարել փոյթ մեծ ունիլ, զի նովաւ խոստացեալ երջանկութեան հասանիցիմք, և Քրիստոսասէր անուանիցիմք կատարելապէս. ըստ այնմ, «Եւ նա ասէ՛ նա՛ երանի այնոցիկ է, որ լսեն զբանն Աստուծոյ և առնեն». Ղուկ. ԺԱ. 28. և թէ՛ «Եթէ զայս գիտէք՝ երանելի և սէք՝ եթէ առնիցէք զայս». Յովհ. ԺԳ. 17: «Որ ունի զպատուիրանս իմ՝ և պահէ զնոսա, նա է որ սիրէ զիս և որ սիրէն զիս, սիրեսցի

'ի Հօրէ իմմէ, և ես սիրեցից զնա և երեւցուցից նմա զիս ...
Եթէ ոք սիրէ զիս զբանս իմ պահեսցէ, և Հայր իմ սիրեսցէ
զնա, և առ նա եկեսցուք և օթեանս առ նմա արասցուք».

Անդ. ԺԴ. 21. 23:

Արդ՝ վկայէ սիրտ իմ փորձառու վերահասութեամբ, զի
ուղղափառ ազգ իմ Հայկազեան ամենայն ջերմեռանդու-
թեամբ և կատարեալ հաւատով գիտեն գիտողութիւնս առնել
'ի վերայ Սրբոյ աւետարանին Յիսուսի փրկչին մերոյ և շնոր-
հիւ սուրբ Հոգւոյն Աստուծոյ զՀմարտութիւն նորին գանձել
փութասիրին 'ի միտս իւրեանց, և յանժխտելի հրամանս և
'ի պատուիրանս նորա սիրովն Յիսուսի վառեալ՝ գործով զնոյն
կատարել միշտ նկրտին: Ուստի համարձակիմ ասել թէ մերս
ուղղափառ Եկեղեցւոյ հարազատ որդիք առաքինասէր գործով
և բարեպաշտական արդեամբք իրաւամբ անուանին Քրիստո-
սասէր և երանելի ժողովուրդ Աստուծոյ:

Ուրեմն շնորհիւ Տեառն մերոյ Յիսուսի Քրիստոսի վայել-
չացուցանեմք 'ի վերայ սիրելի Ազգիս հաւատարիմ և հարա-
զատ որդւոյ ուղղափառ սուրբ Եկեղեցւոյն մեր՝ զայն գոհու-
թեան և շնորհակալութեան հոգեբուզի բանս սրբազան առա-
քելոյն Պօղոսի, զոր առ Եկեղեցին Եփեսացւոց գրէ. «Արով և
դուք իբրև լուարուք զբանն ճշմարտութեան, զաւետարանն
փրկութեան ձերոյ, որով և հաւատացեալ կնքեցայք Հոգւոյն
Սրբոյ աւետեաց, որ է առհաւատչեայ ժառանգութեան մերոյ,
'ի փրկութիւն նուաճութեան 'ի գովեստ փառաց նորա: Ասան
այնորիկ և ես իբրև լուսյ զհաւատան զձեր՝ որ 'ի Տէր Յի-
սուս, և զսէրն՝ որ ընդ ամենայն սուրբս, ոչ դադարեմ 'ի գո-
հանալոյ վասն ձեր, յիշել զձեզ յաղօթս, զի Աստուած Տեառն
մերոյ Յիսուսի Քրիստոսի, Հայրն փառաց՝ տացէ ձեզ ըզ-
Հոգին իմաստութեան և յայտնութեան գիտութեամբն իւրով».

Եփես. Ա. 13:



“Արեւմ դքո զաւետարանդ, տէ՛ր. զի յորժամ
քախցենամ, կերակրէ զիս. ցանկանամ բանի քուս, զի
'ի ծարաւելն լմում սողրիւր լինի ինձ, զի որչափ կա-
միմ, այնչափ կոչիմ 'ի կերակուրս քո, և աւելի քան
զթողեալն գտաք: Ուտեմ բազում, և միայն
գտունիմ. քաղցենամ բազմօք, և զիս միայն արբու-
ցանես 'ի ջնորհէդ. զի՛նչ քեզ տայ, բայց եթէ զիս
առ 'ի միաբանութիւն քեզ ”: Սուրբն Եփրեմ խու-
րին Ասորոյ. 'ի ճառն մարգարտին:

312

ՎՐԻՊԱԿՔ ԲԱՌԻՑ

Էջ	ՏՈՂ	ՎՐԻՊԱԿՔ	ՈՒՂԻՂՔ
3	6	առ մեղ	առ ձեղ
7	14	(պակաս)	սուրբ
7	2	(պակաս)	և
8	3	Ասացին	Ասացին
9	1	(պակաս)	Փրկիչ աշխարհի Ա. Յով. Գ. 14
9	5	(պակաս)	հոգևոր
9	26	(պակաս)	ամենայն
22	21	էին	են
23	21	և՛	ի՛
24	24	առ	առ
28	31	այն բան	(սուղ ըղ է)

980

981

